



小學弦歌卷六

教小學

弟子職

周管子



先生施教弟子是則温恭自虛所受是極見善從之聞義則服温柔孝弟毋驕恃力志無虛邪行必正直游居有常必就有德顏色整齊中心必式夙興夜寐衣帶必直朝益暮習小心翼翼一此不懈是謂學則

小學題辭

宋朱子

元亨利貞天道之常仁義禮智人性之綱凡此厥初無有不善藹然四端隨感而見愛親敬兄忠君弟長是曰秉彝有順無強惟性者浩浩其天不加毫末萬善足

卷六教小學

一 字 五 文 高

焉眾人蚩蚩物欲交蔽乃頽其綱安此暴棄惟聖斯惻建學立師以培其根以達其支小學之方灑掃應對入孝出恭動罔或悖行有餘力誦詩讀書詠歌舞蹈思罔或逾窮理修身斯學之大明命赫矣罔有內外德崇業廣乃復其初昔非不足今豈有餘世遠人亡經殘教弛童養弗端長益浮靡鄉無善俗世乏良材利欲紛挐異言喧豗幸茲秉彝極天罔墜爰輯舊聞庶覺來裔嗟

小子敬受此書匪我言耄惟聖之謨

座右銘

張繹

凡語必忠信凡行必篤敬飲食必慎節字畫必楷正容貌必端莊衣冠必肅整步履必安詳居處必正靜作事必謀始出言必顧行常德必固持然諾必重應見善如己出見惡如己病凡此十四者我皆未深省書此當座隅朝夕視爲警

此銘朱子采入小學

程董學則

程端蒙董銖

凡學於此者必嚴朔望之儀謹晨昏之令居處必恭步

小學弦歌

卷六教小學

二字三十五文根一、二十五大高

立必正視聽必端言語必謹容貌必莊衣冠必整飲食必節出入必省讀書必專一寫字必楷敬几案必整齊堂室必潔淨相呼必以齒接見必有定修業有餘功游藝以適性使人莊以恕而必專所聽苟日從事於斯而不敢忽則入德之方庶乎其近矣

程董皆鄱陽人作此以教鄉人子弟朱子

嘗爲之跋饒雙峯合朱子白鹿洞教條而並揭之

教大學

敬齋箴

朱子

正其衣冠尊其瞻視潛心以居對越上帝足容必重手

容必恭。擇地而蹈。折旋蟻封。出門如賓。承事如祭。戰戰兢兢。罔敢或易。守口如瓶。防意如城。洞洞屬屬。無敢或輕。不東不西。不南不北。當事而存。靡他其適。勿貳以二。勿參以三。惟精惟一。萬變是監。從事於斯。是曰持敬。動靜弗違。表裏交正。須臾有閒。私欲萬端。不火而熱。不冰而寒。毫釐有差。天壤易處。三綱旣淪。九法亦斁。於乎小子。念哉敬哉。墨卿司戒。敢告靈臺。

敬恕齋銘

朱子

出門如賓。承事如祭。以是存之。敢有失墜。己所不欲。勿

小學弦歌

卷六 敬大學

三
三〇三
保山

施於人。以是行之。與物皆春。胡世之人。恣己窮物。惟我所使。謂彼奚卹。孰能反是。斂焉厥躬。於牆於羹。仲尼子弓。內順於家。外同於鄰。無小無大。罔時怨恫。爲仁之功。曰此其極。敬哉。恕哉。永永無斁。

敬義齋銘

朱子

惟坤六二。其德直方。君子體之。爲道有常。內而立心。曰直是貴。惟敬則直。不偏以陂。外而制事。曰方是宜。惟義則方。各當其施。曰敬伊何。惟主乎一。懍然自持。神明在側。曰義伊何。惟理是循。利害之私。罔汨其真。靜而存養。

中則有主動而酬酢莫不中矩大哉敬乎一心之方至哉義乎萬事之綱敬義夾持不二不忒表裏洞然上達天德昔有哲王師保是詢丹書有訓西面以陳敬與怠分義與欲對一長一消禍福斯在怠心之萌闇焉沈昏欲心之熾蕩乎狂奔惟此二端敗德之賊必壯乃猷如敵斯克念欲既泯敬義斯存直方以大協德於坤一念小差眊此齋扁嚴師在前永詔無倦於敬義二端深造自得字字皆甘苦之言故能親切乃爾

尊德性齋銘

朱子

小學弦歌

卷六 敬大學

四 三〇九九 蔡澹 保山

惟皇上帝降此下民何以予之曰義曰仁惟義與仁維帝之則欽斯承斯猶懼弗克孰昏且狂苟賤汙卑浮視輕聽惰其四肢褻天之明慢人之紀甘此下流眾惡之委我其鑑此祇栗厥心有幽其室有赫其靈執玉奉盈須臾顛沛任重道遠其敢或怠

勿齋箴

真德秀

天命之性得之者人人之有心其孰不仁人之不仁曰爲物役耳蕩於聲目炫於色以言則肆以動則傾人欲放縱天理晦冥於焉有道禮以爲準惟禮是由非禮勿

徇曰禮伊何理之當然不雜以人一循乎天勿之爲言
如防止水孰其尸之曰心而已聖言十六一字其機機
牙旣幹鈞石必隨我乘我車駟馬交駮孰範其驅惟轡
在手是以君子必正其心翼翼兢兢不顯亦臨萬夫之
屯一將之令靈鉤颺馳孰敢干命眾形役之統於心官
外止勿流內守愈安其道伊何所主者敬表裏相維動
靜俱正莠盡苗長醅化醴醇方寸盎然無物不春惟勿
一言萬善自出念茲在茲其永無斁

詠良知示諸生

四首

明 王守仁

小學茲歌

卷六 教大學

五 三〇五

恭淦
〇八五 固明

箇箇人心有仲尼自將聞見苦遮迷而今指與眞頭面
只是良知更莫疑

問君何事日憧憧煩惱場中錯用功莫道聖門無口訣
頁知兩字是參同

人人自有定盤鍼萬化根源總在心卻笑從前顛倒見
枝枝葉葉外頭尋

無聲無臭獨知時此是乾坤萬有基拋卻自家無盡藏
沿門持鉢效貧兒

示諸生

王守仁

人人有路透長安。坦坦平平一直看。盡道聖賢須有祕。
翻嫌易簡卻求難。只從孝弟爲堯舜。莫把辭章學柳韓。
不信自心原具足。請君凡事反身觀。發明親切洞見本
原鈍根人交口詆
之多隔
壁帳也

和楊龜山此日不再得詩

陳獻章

少年負奇氣。萬丈摩青蒼。夢寐見古人。慨然悲流光。吾
道有宗主。千秋朱紫陽。說敬不離口。示我入德方。義利
分兩塗。析之極毫芒。聖學信非難。要在用心臧。善端日
培養。庶免物欲戕。道德乃膏腴。文詞固糝糠。俯仰天地
間。此身何昂藏。胡能追逸駕。但能漱餘芳。持此木鑽柔
其如磐石剛。中夜攬衣起。沈吟獨徬徨。聖塗萬里餘。髮
短心苦長。及此歲未暮。驅車適康莊。行遠必自邇。育德
貴含章。邇來十六載。滅迹聲利場。閉門事探討。蛻俗如
驅羊。隱几一室內。兀兀同坐忘。那知顛沛中。此志竟莫
強。譬如濟巨川。中道奪我航。顧茲一身小。所係乃綱常。
樞紐如方寸。操舍決存亡。胡爲漫役役。斲喪良可傷。願
言各努力。大海終回狂。

教立身

小學弦歌

卷六 教大學

六

三〇四七

蔡澂

〇三廿七 國明

贈從弟詩二首

魏 劉 楨 公幹

亭亭山上松。瑟瑟谷中風。風聲一何盛。松枝一何勁。冰霜正慘悽。終歲常端正。豈不畏凝寒。松柏有本性。鳳凰集南嶽。徘徊孤竹根。子心有不厭。奮翅凌紫氛。豈不常勤苦。羞與黃雀羣。何時當來儀。將須聖明君。

酌貪泉

晉 吳隱之

古人云此水一飲重千金。試使夷齊飲。終當不易心。

古風

唐 李白

鳳飢不琢粟。所食惟琅玕。能與羣雞刺。蹙爭一餐朝。

小學弦歌

卷六 教立身

七 字五十五 文根 大安

鳴崑邱樹夕。飲砥柱湍歸。飛海路遠。獨宿天霜寒。幸遇王子晉。結交青雲端。懷恩未得報。感別空長歎。三百篇 比體

感鶴

白居易

鶴有不羣者。飛飛在野田。飢不啄腐鼠。渴不飲盜泉。貞姿自耿介。雜鳥何翩翩。同遊不同志。如此十餘年。一興嗜慾念。遂為增繳牽。委質小池內。爭食羣雞前。不惟懷稻粱。兼亦競腥羶。不惟戀主人。兼亦狎鳥鳶。物心不可知。天性有時遷。一飽尚如此。況乘大夫軒。亦是 比體

庚申謠

程紫霄

人身有三尸神名曰三彭每至庚申日輒詣
大曹言人罪過修道者每守庚申而不寐

不守庚申更不疑此心常與道相依天公已自知行止
任爾三彭說是非

登第後寄友

宋張詠

前年失腳下漁磯苦戀明時未得歸寄語巢由莫相笑
此心不是愛輕肥惟忠定公不媿斯言抑可知其志氣早定矣

書端州郡齋壁

包拯

清心為治本直道是身謀秀幹終成棟精光不作鉤倉
充鼠雀喜草盡兔狐愁史冊有遺訓母貽來者羞

小學弦歌

卷六教立身

八字言

文根大安

述志詩

杜濬之

若川

甯枉百里步曲水不可息甯忍三日飢邪蒿不可食雖
云食息頃便分淑與慝志士當暮年聞道增閱歷要使
此一身如琢復如滌整冠與納履微嫌費疏剔未若瓜
李地絕不見吾迹

自警

湯漢

文清

春秋責備賢者造物計較好人一點莫留餘滓十分成
就全身

矯志篇

王廷棟

雅欽

蛟龍雖困不資凡魚鷺鷺雖孤不匹鶩雛雖有香草當
戶必除雖有仁人在敵必誅狐白雖美炎暑必置舟車
之用易地則棄蘭蕙不采無異蓬蒿干將不試世比鉛
刀以驥捕鼠曾不如狸餓夫獲璧不如得糜郭生純臣
魯連高士彼乃登臺此乃蹈海寧直見伐無爲曲全寧
渴而死不飲盜泉

馬上吟

鄒智

智年十六中解元鄉人聚觀智吟此詩

龍泉庵裏舊書生偶竊三巴第一名世上許多難了事
小學弦歌卷六教立身九三十三文根
鄉人何用太相驚五二洪章

感賦

明人失名

一點緇塵浣素衣斑斑駁駁使人疑縱教澣盡千江水
爭似當初未浣時立身一敗萬事瓦裂當以此爲座右銘

勵志詩

三首
本朝 計元坊

青青園中林並望成嘉樹或者干雲霄或者苦顛仆豈
眞託根殊亦異灌溉故人力不滋培梁棟安得具而何
蚩蚩氓榮落委天數見大有爲者當以經術培其本根也通首比體
士人之奇才動輒咎貧賤豈處貧賤中抱負遂難見曲

逆方宰肉一鄉已稱善諸葛當躬耕三分定佐漢內反
無足憑氣餒徒炫亂不見玉韞山與石自有辨貧賤中
正可樹
立根基激發有志氣人不淺

鴆毒惟晏安古人戒自適所以陶土行運甕日累百破

賊石頭下精勤由素積奈何卑棲士嗜嬾如有癖志為

氣之帥志銳氣自役願師聞雞人無蹈嵇阮迹南朝八
達流弊

足壞士品且及國家拈
出陶侃劉琨最為有識

述興

計元坊

人方危苦時薄施輒感德自昔奸雄輩持此羅上客蔡

小學莊歌

卷六教立身

十一言九
國文根

豈依董卓有才而無識受恩旋殺身士貴能挺特所以

孟夫子鋪啜戒樂克見因不失親不
可輕受人恩

釋褐謁文廟

謝道承

六經原不為科名爵判天人在此行今日瓣香分獻後

驅車歸去自分明上達下達由其自
定一第未足多也

詠橘

錢錦城

丹實離離閒壁林千頭聲價重南金踰淮若改平生質

辜負當年作頌心作者為牧齋尚書之孫乃祖能
守此兩言便為東林完人矣

子入翰林寄示

李世倣母

今朝雁塔喜題名，遙屬兒曹戒滿盈。立志總期成大業，莫將溫飽誤平生。

君子行

胡溶

君子貴知命，屢空非所憂。身不念溝壑，心不滋怨尤。飢不飯，嗟來渴不挹濁流。練衫擁冬夏，園蔬薦春秋。行歌時捉襟出門，無所求。立志老飢寒，道義能自修。悠悠富貴子，嗟哉傷蟄虺。

閒寫

本朝袁枚

一樓書卷萬花熏，靜掩柴門自策勳。寄語公卿休剝啄。

小學弦歌

卷六教立身

十一 子午之廣順 二萬廿の廣裕

名山高不借青雲，即隱居亦須卓然有以自立方可無求於人

卓筆峯

袁枚

孤峯卓立久離羣，四面風雲自有神。絕地通天一枝筆，請看依傍是何人。

古風

沈德潛

南國有遺老，志節師伯夷。武周本聖人，而敢傲睨之。薛荔煖吾寒，白石飽吾飢。時攜同志士，巖谷采紫芝。斯人既淪喪，山水無精輝。搔首懷古歡，清風有餘思。前有車馬客，呵殿道途中。車前列旗桃，馬後隨刀弓。行

人不敢視望塵趨下風途閒有耕農容貌如龐公相遇
不迴首行歌曲未終

過隨園口占

吳嵩梁

修竹生來掃俗氛錦綉纔脫便捎雲避他桃李公門外

玉立亭亭止此君作者初至隨園其門客諷令執弟子禮乃口占示意隨園轉重之

禽言五首之一

吳嵩梁

泥滑滑泥滑滑陷我青鞵污白韞韞猶可浣鞵可脫此
足一失難自拔萬里之窮跬步閒何必啼猿上三峽一

踐春冰白吾髮切近指點可與臨淵履水詩並讀

小學弦歌

卷六教立身

十一
〇七世五 廣順廣裕

雜詩

張學尹

驅車涉長道道險不可量平生慎跬步清道猶周防捷
徑古所賤歧路古所傷宅心既端直絕險皆康莊馳驅
吾有範詭遇非王良

戒伎求詩

曾國藩

善莫大於恕德莫凶於妒妒者妾婦行瑣瑣奚比數已
拙忌人能已塞忌人遇己若無事功忌人得成務己若
無黨援忌人得多助勢位苟相敵畏偏又相惡己無好
聞望忌人文名著己無賢子孫忌人後嗣裕爭名日夜

奔爭利東西驚。但期一身榮。不惜他人污。聞災或欣幸。
聞禍或悅豫。問渠何以然。不自知其故。爾室神來格。高
明鬼所顧。天道常好還。嫉人還自誤。幽明叢詬忌。乖氣
相迴互。重者裁汝躬。輕亦減汝祚。我今告後生。悚然大
覺寤。終身讓人道。曾不失寸步。終身祝人善。曾不損尺
布。消除嫉妬心。普天零甘露。家家獲吉祥。我亦無恐怖。
右不枝

知足天地寬。貪得宇宙隘。豈無過人姿。多欲爲患害。在

約每思豐。居困常求泰。富求千乘車。貴求萬釘帶。未得

小學弦歌

卷六教立身

三三
〇二五七八
廣順
廣裕

求速償。既得求勿壞。芬馨比椒蘭。磐固方泰岱。求榮不
知饜。志亢神愈汰。歲燠有時寒。日明有時晦。時來多善
緣。運去生災怪。諸福不可期。百殃紛來會。片言動招尤。
舉足便有礙。戚戚抱殷憂。精爽日凋瘵。矯首望八荒。乾
坤一何大。安榮無遽欣。患難無遽愁。君看十人中。八九
無倚賴。人窮多過我。我窮猶可耐。而況處夷途。奚事生
嗟愴。於世少所求。俯仰有餘快。俟命堪終古。曾不願乎

外
右不求

教閑家

嗟哉董生行

唐韓愈昌黎

淮水出桐柏山東馳遙遙千里不能休
淝水出其側不能千里百里入淮流
壽州屬縣有安豐唐貞元時縣人
董生召南隱居行義於其中刺史不能薦
天子不聞名聲爵祿不及門
門外惟有吏日來徵租更索錢
嗟哉董生朝出耕夜歸讀古人書
盡日不得息或山而樵或水而漁
入廚具甘旨上堂問起居
父母不感感妻子不咨咨嗟哉
董生孝且慈人不識惟有天翁知
生祥下瑞無休期家有狗乳出求食
雞來哺其兒啄啄庭中拾蟲蟻
小學弦歌

卷六 教閑家

西三ノヤ七 廣順
〇ラ十の 廣裕

哺之不食鳴聲悲
徬徨躑躅久不去
以翼來覆待狗歸
嗟哉董生誰將與
儔時之人夫妻相虐
兄弟爲仇
食君之祿而令父母愁
亦獨何心
嗟哉董生無與儔
此詩有關名教

朱子收入小學中

朱陳邨

白居易 樂天

徐州古豐縣有邨曰朱陳
去縣百餘里桑麻青氣氲機梭聲札札
牛驢走紘紘女汲澗中水男採山上薪
縣遠官事少山深人俗澹
有財不行商有丁不入軍
家家守邨業頭白不出門
生爲陳邨民死爲陳邨塵
田中老與

幼相見何欣欣。一邨惟兩姓。世世爲婚姻。親疏居有族。
少長游有羣。黃雞與白酒。歡會不隔旬。生者不遠別。嫁
娶先近鄰。死者不遠葬。墳墓多遶邨。旣安生與死。不苦
形與神。所以多壽考。往往見元孫。我生禮義鄉。少小孤
且貧。徒學辨是非。祇自取辛勤。世法貴名教。士人重冠
婚。以此自桎梏。信爲大謬人。十歲解讀書。十五能屬文。
二十舉秀才。三十爲諫臣。下有妻子累。上有君親恩。承
家與事國。望此不肖身。憶昨旅游初。迨今十五春。孤舟
三適楚。羸馬四經秦。晝行有飢色。夜寢無安魂。東西不
暫住。來往若浮雲。離亂失故鄉。骨肉多散分。江南與江
北。各有平生親。平生終日別。近者隔年聞。朝憂臥至暮。
夕哭坐達晨。悲苦燒心曲。愁霜侵鬢根。一生苦如此。長
羨陳邨民。此何異桃源青城
令人神往其境

示兒孫

宋陸游

人生讀書本餘事。惟要閉門修孝弟。畜豚種菜養父兄。
此風乃可傳百世。我聞長安官道旁。至今人指魏公莊。
北方俗厚終可意。一字不識勤耕桑。

卽事

元于石

小學弦歌

卷六教閑家

五

文根

燈火隔離落呼兒掩柴門鄰翁挽我衣笑指老瓦盆酒
盡意未已語雜情更眞嗟嗟行路難勸我歸結鄰團圓
一家樂亦足娛其親低頭愧叟言未語面輒頰父昔教
我書意在爲榮親十歲始知學二十能爲文三十將遠
遊海波忽揚塵年今幾半百親老安可云歲時一杯酒
父祖子與孫客多在家少暫聚還復分曾不如汝樂歡
喜力耕耘父醉兒解扶翁歸媪相迎十日九在家笑語
藹生春我無田可歸豈無山可耕我無秫可釀豈無泉
可烹幸及親未衰菽水或可營無愆鄰叟約乃不愧子
小學弦歌

卷六教閑家

六
字言之
文根
洪章

心

浦江鄭氏義門

明高啟

浦江鄭文嗣十世同居凡二百四十餘年一錢
尺帛不自私元至大開表其門部使者余闕題
額曰東浙第一家

好鳥勿鍛翼鍛翼難爲翔佳樹勿翦柯翦柯難爲芳人
生有同氣胡忍自戕傷肯復多支生誰趨急難場請看
鄭家兄爲弟死維揚子孫復聚居流芳久彌長十世一
門戶百身一肝腸囊無私藏錢釜有同炊糧問男何所
爲讀書講虞唐問女何所爲鳴機織流黃晨興各冠珮

于于上高堂聽翁教戒言祇受不敢恣雖生甌越區如在鄒魯邦兩朝太史筆特書爲褒揚行人問其廬喬木鬱蒼蒼何須雞哺狗家昌乃眞祥眞祥由德生天心果何常我欲遊麟溪壽翁奉一觴莫聽豆萁詩聽歌棗華章

貓相乳行

李東陽

監察御史四明陸君美兄弟友愛同堂而食內外無閒言嘗各畜一貓貓各產三子皆銜至堂中乳之每一貓出一貓必爲代乳若亦無閒然者人以爲孝友所感

貓相乳遽如許但知母子恩不復我與汝貓相乳世希

小學弦歌

卷六 教開家

七

蔡汝

有但食乳哺甘不知誰是母陸家兄弟本同胞提孩挈稚相爲勞和氣感動成薰陶吁嗟乎人生胡不如此貓

與昌黎董生行先後一轍

詠史

本朝 陳祖范

吾慕江州陳宗族七百人每食設廣席長幼列坐俱恂恂和氣感畜犬百犬共牢食必均爲問此何時豺虎磨牙噬生民君如弈棋國傳舍天下不復知尊親世上自亂家自理閉門別有無邊春

以五季之亂而有陳氏義門人能修身齊家固不隨

世運爲升降也

教正直

題老松樹

唐宋之間

歲晚東巖下，周顧何惻惻。日落西山陰，眾草起寒色。中有喬松樹，使我長歎息。百尺無寸枝，一生自孤直。

知貢舉作

魏扶

梧桐葉落滿庭陰，鎖閉朱門試院深。曾是當年辛苦地，不教今日負初心。

謫官渡淮風欲覆舟而作

宋唐介

小學弦歌

唐質肅公為御史時劾宰相文彥博貶英州別駕渡淮遇風作

大百八十六
卷六教正直
保山

聖宋非狂楚，清淮異汨羅。平生仗忠信，今日任風波。舟楫顛危甚，鼃鼉出沒多。斜陽幸無事，沽酒聽漁歌。

分校禮闈卽事

本朝張廷玉

文和分校會試時同官將有所屬以言餽公公以此詩示之其人慚而退

棘院沈沈夜欲闌，五雲多處漏聲殘。簾前月色明如晝，莫作尋常暮夜看。

教惻隱

無家別

唐杜甫

寂寞天寶後，園廬但蒿藜。我里百餘家，世亂各東西。存

者無消息。死者委塵泥。賤子因陣敗。歸來尋舊蹊。久行見空巷。日瘦氣慘悽。但對狐與狸。豎毛怒我啼。四鄰何所有一二。老寡妻宿鳥。戀本枝。安辭且窮棲。方春獨荷鋤。日暮還灌畦。縣吏知我至。召令習鼓鞀。雖從本州役。內顧無所攜。近行止一身。遠去終轉迷。家鄉既盪盡。遠近理亦齊。永痛長病母。五年委溝谿。生我不得力。終身兩酸嘶。人生無家別。何以爲蒸黎。不經亂離不知太平之樂國恩之厚

茅屋爲秋風所破歌

杜甫

八月秋高風怒號。卷我屋上三重茅。茅飛渡江灑江郊。

小學弦歌

卷六教惻隱

充三子入

蔡塗

高者掛胃長林梢。下者飄轉沈塘坳。南邨羣童欺我老無力。忍能對面爲盜賊。公然抱茅入竹去。脣焦口燥呼不得。歸來倚杖自歎息。俄頃風定雲墨色。秋天漠漠向昏黑。布衾多年冷似鐵。驕兒惡臥踏裏裂。牀屋漏無乾處。雨腳如麻未斷絕。自經喪亂少睡眠。長夜沾溼何由徹。安得廣廈千萬間。大庇天下寒士俱歡顏。風雨不動安如山。嗚呼。何時眼前突兀見此屋。吾廬獨破受凍死亦足。此老胸中實有民胞物與心事不愧許身稷契人語

橡媪嘆

皮日休

秋深橡子熟。散落榛蕪岡。偃僂黃髮媪。拾之踐晨霜。移時始盈掬。盡日方滿筐。幾曝復幾蒸。用作三冬糧。山前有熟稻。紫穗襲人香。細穫又精舂。粒如玉璫。持之納於官。私室無倉箱。如何一石餘。只作五斗量。狡吏不畏刑。貪官不避贓。典時作私債。農畢歸官倉。自冬及於春。橡實誑飢腸。吾聞田成子。詐仁由自王。吁嗟逢橡媪。不覺淚沾裳。

代北州老人答

張謂

負薪老人住北州。北望鄉關生客愁。自言老翁有三子。

小學弦歌

卷六 教訓隱

三
三
三
蔡
滄
山

兩人已向黃沙死。如今小兒新長成。明年聞道又徵兵。定知此別必零落。不及相隨同死生。盡將田宅借鄰伍。且復伶俜去鄉土。在生本求多子孫。及有誰知更辛苦。近傳天子尊武臣。強兵直欲靜邊塵。安邊自合有長策。何必流離中國人。言之者無罪聞之者足以戒

新製布衣

白居易

桂布白似雪。吳縣輕如雲。布重縣且厚。爲裘有餘溫。朝擁坐至暮。夜覆眠達晨。誰知嚴冬月。支體暖如春。中夕忽有念。撫裘起逡巡。丈夫貴兼濟。豈獨善一身。安得萬

里裘蓋裏周四垠。酥暖皆如我。天下無寒人。少陵廣廈香山大裘

正是一般懷抱

淮上遇風

宋 范仲淹

一權危於葉。旁觀亦損神。他時在平地。無忽險中人。非先

憂後樂之宰相不能為此言

哀流民

元 張養浩

哀哉流民為鬼非。鬼為人非人。哀哉流民。男子無緼袍。婦女無完裙。哀哉流民。剝樹食其皮。掘草食其根。哀哉流民。晝行絕煙火。夜宿依星辰。哀哉流民。父子厥子。

小學弦歌

卷六 敘惻隱

三 三才 廣順 廣裕

子不親厥親。哀哉流民。言辭不忍聽。號哭不忍聞。哀哉流民。朝不敢保夕。暮不敢保晨。哀哉流民。死者已滿路。生者與鬼鄰。哀哉流民。一女易斗粟。一兒錢數文。哀哉流民。并此不可得。割愛委路塵。哀哉流民。何時天雨粟。使汝俱生存。

鬻孫謠

李思衍

白頭老翁髮垂領。牽孫與客摩。孫頂翁年八十死何妨。憐汝孩童困饑饉。去年雖旱猶禾熟。今年飛霜先殺菽。去年饑饉猶一粥。今年饑饉無餘粟。客謝老翁將孫去。

淚下如絲不能語零丁老病惟一身獨臥茅簷夜深雨
夢回猶是誤呼孫縣吏催租正打門

野人二首

明 黃道耀

野人嘆息王師勞秦賊楚賊如蝟毛攻城掠野官吏死

大江以北民嗷嗷昨聞死賊劫財賦分與官軍作賄賂

亂砍民頭掛高樹黎明視賊賊已去時章疏皆稱賊爲死賊

野人嘆息年歲惡枉自傾家事田作朝廷加派時時有

哭訴官司但搖手歸逢吏胥狹路邊輾裹快馬行索錢

買僕

本朝 顧仙棧

小學弦歌

卷六 教惻隱

三三〇七 廣順
三〇五 廣裕

我家得一僕人家失一子同是父母心還當慎驅使陶淵

明示子書此亦人子也須善視之此詩本此意

賣子

闕名

養汝如雛鳳年荒值幾錢辛勤當自愛不比在娘邊讀之

使人涕下

入闈分校

袁枚

敢云眼似光明燭且喜心如不動帆帶入闈中示同伴

當年落第淚痕衫世人性負初心是以草草

分校京兆試覆閱落卷有作

蔣士銓

六千猛士競橫戈，十八霜毫兩點過。不敢輕爲紅勒帛，明朝遼海哭聲多。

再然犀炬照波心，恐有遺珠碧海沈。記得當時銜木石，十年辛苦作冤禽。

秋闈分校卽事

三首之末

趙翼

連日西風落葉繁，人間渾未識秋痕。勞薪已作溝中斷，戰骨猶留夢裏魂。曉擲靈蓍勤問兆，夜看雄劍擬酬恩。生平此味曾嘗徧，束筭堆邊手再翻。

凡銜文草率卽與草菅人命無殊四

詩不謀而合皆仁人之語

小學弦歌

卷六教惻隱

三三十一

廣順
廣玉

放榜前夕示諸分校

朱荃

珠沈海底費搜羅，深夜然犀照碧波。寄語羣公高著眼，青衫期日淚痕多。

仁人之言如出一口

夫別妻

有序

金埴

康熙四十八年，吾越米價騰躍，每石直二金。民多飢者，有鄉婦入城傭乳，與其夫絮語泣別。予過而哀之，因寫入樂府云。

夫別妻，夫自往東，妾往西。妾身往哺富家兒，家中有兒，慎勿答。答我兒，剗我肉，剗盡乳不足，新麥多收兩三。

斛明年蚤望將身贖

母抱兒

本朝 鄭世元

母抱兒兒在懷中嘓我兒且弗嘓邨中榆樹剝盡皮三日不食氣一絲那得有乳哺汝飢抱兒出門去負兒行道周不知東西與南北仰面乞食低面羞行人來往各恹恹嗚呼誰能掇汝母子命

我昔 三首

吳嘉紀

我昔客途逢敗兵。弦聲旆影魂俱驚。殘騎如狼散草莽。居人雜兔奔縱橫。漁船貪利夜賣渡。金多方許載人去。暝色潛行曙則隱。口乾腸飢我能忍。

小學弦歌

卷六 教側 隱

三

二九十一

小

我昔攜家亟逃難。海雲漫漫晝昏晏。野空蹄響賊馬近。我船欲速行轉慢。須臾燔燒閭里紅。風漂船入蘆港中。蘆葉菰葉蔽男婦。引衣掩塞啼兒口。

我昔兵過獨還家。畦上罽毳多似瓜。空邨無聲雞犬盡。籬菊自放霜中花。天南伯兄天北季。驚魂棄絕故園地。夜寒鬼語聚稍稍。細雨還聞九頭鳥。

新僕

吳嘉紀

語少身初賤。魂傷家驟離。飢寒今已免。力役竟忘疲。長

者親難浹新名答尙疑猶然是人子過小莫輕答語語從新
字起意一結仁人之言藹然動聽

教讀書

符讀書城南

韓愈

木之就規矩在梓匠輪輿人之能爲人由腹有詩書詩
書勤乃有不勤腹空虛欲知學之力賢愚同一初由其
不能學所入遂異間兩家各生子孩提巧相如少長聚
嬉戲不殊同隊魚年至十二三頭角稍相疏二十漸乖
張清溝映汗渠三十骨骼成乃一龍一豬飛黃騰達去
小學弦歌

卷六教讀書

三

三十七

蔡

不能顧蟾蜍一爲馬前卒鞭背生蟲蛆一爲公與相潭
潭府中居問之何因爾學與不學歟金壁雖重寶廢用
難貯儲學問藏之身身在則有餘君子與小人不繫父
母且不見公與相起身由鉏犁不見三公後寒饑出無
驢文章豈不貴經訓乃蓄畬潢潦無根源朝滿夕已除
人不通古今馬牛而襟裾行身陷不義況望多名譽時
秋積雨霽新涼入郊墟燈火稍可親簡編可卷舒豈不
旦夕念爲爾惜居諸恩義有相奪作詩勸躊躇

勸學

孟郊

擊石乃有火。不擊原無煙。人學始知道。不學非自然。萬事須有運。他得非我賢。青春須早爲。豈能長少年。

書齋漫興 二首

五代 翁承贊

池塘四五尺深水。籬落兩三般樣花。過客不須頻問訊。讀書聲裏是吾家。

官事歸來衣雪埋。兒童燈火小茅齋。人家不必論貧富。惟有讀書聲最佳。

感興

宋 朱子

昨夜江邊春水生。艤艫巨艦一毛輕。向來枉費推移力。

小學弦歌

卷六教讀書

三十七 章 蔡

此日中流自在行。

此爲一旦豁然貫通之境。讀書既久自有此樂。

四時讀書樂 四首

翁 森

山光照檻水繞廊。舞雩歸詠春風香。好鳥枝頭亦朋友。落花水面皆文章。蹉跎莫遣韶光老。人生惟有讀書好。讀書之樂樂何如。綠滿窗前草不除。

新竹壓檐桑四圍。小齋幽敞明珠曦。晝長吟罷蟬鳴樹。夜深燼落螢入幃。北窗高臥羲皇侶。只因素稔讀書趣。讀書之樂樂無窮。瑤琴一曲來薰風。

昨夜庭前葉有聲。離豆花開蟋蟀鳴。不覺商意滿林薄。

蕭然萬籟涵虛清。近牀賴有短檠在。對此讀書功更倍。
讀書之樂樂陶陶。起弄明月霜天高。
木落水盡干崖枯。迥然吾亦見真吾。坐對韋編燈動壁。
高歌夜半雪壓廬。地爐烹泉燃活火。一清足稱讀書者。
讀書之樂何處尋。數點梅花天地心。

教子詩

余良弼

白髮叢身吾老矣。青春不再汝知乎。年將弱冠非童子。
學不成名豈丈夫。幸有明窗兼淨几。何勞鑿壁與編蒲。
功名欲自殊頭角。記取韓公訓阿符。

小學弦歌

卷六 教讀書

三

二九廿二

春 六

書扇示子正憲

明

王守仁

汝自冬春來發憤學文義。吾心豈不喜。顧此枝葉事如
樹。不植根。暫榮終必瘁。植根當如何。願汝且立志。
立志二字是讀書之本

齋中讀書

本朝

朱彝尊

書名達四方。掌之周外史。曷言乎書名。毋乃小序是馬
鄭注漆經。大義已及此。古文雖未見。序先賜厥旨。云何
宋諸儒。深文共排毀。書序非孔子作其說始林之奇吾聞國史言。序書
自孔子。哀哉秦火後。未亡亦僅爾。苟屬聖人言。亦當存

其似不見小戴文禮家以取士何獨詩書序攻者後先起

男女一相悅情迫莫自持不聞桑中契先以定情詩國史明得失輶軒別醜疵如何歷鄭衛專錄淫人辭雞鳴風雨夜奔者亦可危執耜遵大路豈不畏人知邱中有麻麥兩雄共一雌雙雙李樹下寧免相詬訾立言詎可訓說者宜再思無邪尼父教用告童子師

詩亡王迹熄百國有春秋魯叟乃筆削寶書肆旁搜晉乘楚檣杙鄭志亦見收斯爲天子事邦國合九州大書小學弦歌

卷六教讀書

三

三十九

春

王正月恐疑於孟陬胡氏逞私智謂以夏冠周豈其一布衣斧鉞威諸侯美惡同其辭此言尤謬悠當其在講幄君臣意綢繆經義月經進諷諫同轉軸是時十將存可復二帝讎奈何戒黷武惟知安是偷得母檜所薦知己士當酬流傳誤後學乖舛難悉糾曷不廢其書述事準左邱

今功令罷胡傳作者有先見矣

讀書一章示及門

吳履泰

讀書無源委有如斷港流濡潤涖蹄間不能溉田疇驕陽涸原澤能有點滴不苟能探其要河漢當清秋倒注

屈千里中有萬斛舟六籍開其源羣史決其溝精華吸
百氏下逮騷人儔元元復本本千載窮冥搜以此負文
雄氣盛言畢浮奈何末學徒顛倒不自尤童卯髮未燥
猥以詞賦投譌音復舛韻敲殼聲啾啾小年資弄舌學
語成伊嚶問以經史事茫然張兩眸俗學吁可嗟舉世
多謬悠古人誦亡書三篋探諸喉吾歌爲此詩非敢相
嘲咻持告爾小子庶以鑒前修此勉人爲
根柢之學

偶成

趙士喆

不羨金滿籬自喜書連屋古人有遺言恨不十年讀
小學弦歌

卷六教讀書

完

二十九
百廿二

杏林

雜詩

張學尹

百舌不善鳴自喜能學舌忻戚不由中發聲定懸絕豈
無味者憐難使知音悅不聞鳳凰鳴雖啣五音別倡爲
百鳥師和之適工拙天地有元聲何用肆剽竊此爲摹
擬剽竊

戒者

敬爲循吏

春陵行 有序

唐元結

癸卯歲漫叟授道州刺史道州舊四萬餘戶經
賊以來不滿四千大半不勝賦稅到官未五十

日承諸使徵求符牒二百餘封皆曰失其限者
罪至貶削於戲若悉應其命則州縣破亂刺史
欲焉逃罪若不應命又卽獲罪戾必不免也吾
將守官靜以安民待罪而已此州是春陵故地
故作春陵行以達下情

軍國多所須切責在有司有司臨郡縣刑法競欲施供
給豈不憂徵斂又可悲小民經亂後遺民實困疲大鄉
無十家大族命單羸朝飧是草根暮食是木皮出言氣
欲絕意遠行步遲追呼尙不忍況乃鞭仆之郵亭傳急
小學弦歌

卷六教爲循吏

三

七十三之

符往來迹相追更無寬大恩但有迫促期欲令鬻兒女
言發恐亂隨悉使索其家而又無生資聽彼道路言怨
傷誰復知去冬山賊來殺奪幾無遺所願見王官撫養
以惠慈奈何重驅逐不使存活爲安民天子命符節我
所持州縣忽亂荒得罪復是誰逋緩違詔命蒙責固所
宜前賢重守分惡以禍福移亦云貴守官不愛能適時
顧惟孱弱者正直當不虧何人采國風吾欲獻此辭人

之言其利溥哉

篇中人字皆

當作民字避廟諱也今改從民

賊退示官吏

有序

元結

癸卯歲西灰賊入道州焚燒殺掠幾盡而去明年賊又攻永州破邵不犯此州邊鄙而退豈力能制敵歟蓋蒙其傷憐而已諸使何爲忍苦徵斂故作詩一篇以示官吏

昔歲逢太平山林二十年泉源在庭戶洞壑當門前井稅有常期日晏猶得眠忽然遭世變數歲親戎旃今來典新郡山夷又紛然城小賊不屠民貧傷可憐是以陷鄰境此邦獨見全使臣將王命豈不如賊焉今彼徵斂者迫之如火煎誰能絕民命以作時世賢思欲委符節小學弦歌

卷六教爲循吏

三

二十七

蔡

引竿自刺船將家就魚麥歸老江海邊

湘江亭晏僚屬

宋 真德秀

從來官吏與斯民本是同胞一體親既以脂膏供爾祿當知痛癢切吾身此邦素號唐風古我輩當如漢吏循今日湘亭一樽酒更煩散作十分春

右公帥潭州時作

柬徐宰

方 岳

兩外茅茨黃葉邨老農相語一燈昏山深未識新官姓但喜無人夜打門

湖西行

有序

本朝 施閏章

辛丑歲分守湖西壤瘠歲饑有司坐逋賦失職
相望予奉檄按部督促是時西南用兵不逾時
符牒三四至吏民後期者法無赦於乎一官貶
斥不敢辭當奈民何有痛相告誡而已作湖西
行

節使坐徵斂此事舊所無軍糈日夜急安敢久踟躕昨
日令方下今日期已逾攬轡馳四野蕭條少民居荆榛
蔽窮巷原田一何蕪野老長跪言今年水旱俱破壁復
何有永決惟妻孥歲荒復難鬻泣涕沾敝襦腸斷聽此
小學弦歌
卷六教爲循吏
語掩杖徒驚吁所慚務敲扑以榮不肖軀國恩信寬厚
前此已蠲逋士卒待晨炊孰能緩須臾行吟重嗚咽淚
盡空山隅
序與詩均神似次山自唐迄今近千年此
等詩不可多得非無其詩無此仁人耳

讀元道州賊退示官吏詩慨然有作張英

我愛元次山詩篇獨簡質短章如長謠仁心自洋溢至
欲委符節甘心就魚麥昔人志康濟豈云耽暇逸置身
君民間無能澹憂恤汗顏拖長紳不如腰帶銛賢哲恥
曠官思義久蕭瑟誰無湖畔山浩歌扶遺帙

禱雨自効

陸師

祝融乘權號令酷赤日黃埃助炎熇稚禾枯焦似束薪
澗溪涸竭行成陸哀哉斯民瓶壘空婦歎兒號盈白屋
已走羣望薦牲璧未見天公鞭蟄伏天降災祲非偶然
母乃感召由司牧一官衣食寄閭閻何忍鞭笞等犬犢
本心未喪戒摧戕於民無恩僅無毒黃昏縱謝四知金
白日虛糜五斗粟我今自分無寸長官方久矣宜樞逐
安得雨暘時若民無飢挂冠高隱弁山麓

騎牛曲

陸師

牛背兒童自放歌頭頭注澗復踰坡問渠何法能馴擾

小學 弦歌

卷六 教爲循吏

三

三十一
州入
林

鞭撻無驚芻牧多

千古牧民之道盡末二語

卸篆口占

吳鎮

阿婆經歲撫嬰孩飢飽寒暄總費猜才識呱呱眞痛癢
家人又報乳娘來

官必久於其任方有益於民讀此可以爲鑑

官戒詩

蔣士銓

親百姓

百里之民視爾如親爾或疏之民隱曷以陳匪惟疏之
又自崇其身爾身從田間來曷貴於民
天子命爾官此蓋畀以父母匪臨以鬼神不聞父母挾

其奴僕威其子孫。奈何草芥賤之。而責其不醅。虐我則仇。民亦可畏哉。吁嗟乎官人。

入田里

山中茅茨道旁桑麻。父老藍縷婦女髻。縣官與汝爲一家。奈何避之如蝮蛇。我誠欲看官。畏官多爪牙。爪牙退後。官下車。嘗我土銚羹。飲我瓦盆茶。聚我父老及婦女。豆棚雜坐。無關遮。念我勞苦。教之孝弟。官言質樸。不浮華。傾耳一聽。一咨嗟。顧盼相戒。無匪邪。再聞官來笑聲。譁鄉人愛官。比娘爺。

小學弦歌

卷六教爲循吏

三

二九六
九
四六十二

蔡林

圖邨落

命官知縣事。責汝無不知道。路如畫。邨落如布棋。傳牌按籍行保甲。試舉問官官目迷。地圖大概苦糾結。不如一邨一圖。分繪之。街衢廬井田疇。民數如列眉。張之素壁。且熟視。宛然日就田間。嬉東西南北。指諸掌。險阻道路。誰得欺。古人讀書左圖右史。互考證。疆域不辨。慙職司。千錢萬錢。購名畫。掛向官齋。夫何爲。

察隸役

無以利其身。胡見役於人。苟能安於貧。胡自異於民。見

民如虎見官如鼠其聲豺狼其言糞土謠詐百變少喜多怒彼有衣食不知疾苦彼有肌膚不畏箠楚橫行鄉里莫敢侮索錢逼迫鬻子女捕役養賊爲賊主閭閻被盜怕官捕民駭雷霆作衙鼓官猶嘗膏樂歌舞嗚呼吾聞古人立木可爲吏放囚歸家尅期至莫嘆今民不如古願官懲役勿爲厲

聽獄訟

庭階草青青民迺訟於此數尺之地何異千里人藏其情官用聽視匪鑑之明匪水之清匪權衡之平一念可小學弦歌否或鞭或撻或死或生鞭之撻之死之生之誰得復爭卷六教爲循吏觀者受者但吞聲官如眩之鬼神鑒之民如怨之天地三厭之三十八

慎疑信

理之所無勿遽曰無之事之所有勿遽曰有之慮有弗決胡弗用其信知有弗及胡弗用其疑過疑則亂過信則舛平心而審察之思其過半名法之家能守其律豈盡得其情準情合律恃官之聰明聰明誤用不如名法之家疑耶信耶官其慎耶

戒閹人

官民至親有門限之一夫當關民不得窺使非其人官處於危奴罔厥利亦竊厥威一顰一笑錢刀隨官曰我廉民曰爾貪中有饒夫厭且甘關如喉舌官則如心環此心者臟腑伏其陰喉舌饕餮臟腑乃浸淫惟心受疾日以深官苟無私重門可開奴司啟閉耳何取其有才關乎關乎安得司馬君實僕目不識字心無欲

偵獄卒

園扉棘牆所以禁囚國有常法卒肆毒於幽拷掠榜箠小學茲歌卷六教爲循吏
怒罵弗休吁嗟於卒何冤仇眾囚殼觶視卒爲喜憂飢不與食倦不與寢汗穢不與掃治疾痛不與呻吟悲哀不與哭泣而錢刀是求不見囚之爺娘與妻子見卒膽落如見鬼五刑之屬有所止叩頭卒前求速死

懲姦慝

稂莠不翦弗殖嘉禾殺一警百其生實多婦人之仁奈官何蝕民之蠹必與誅速訟之雀必與羅雨露不以荆棘而示恩斧柯在手當盡刈其根殺人媚上身必滅殺人利民功自存一國之人皆曰可殺乃殺之無以殺戮

爲不慈

正風俗

民勞則善心生。忘善則惡心生。風俗不正。教化何以行。民有廉恥。待官激揚之。民有悖邪。待官懲創之。子女相淫。父母則引愧。弗勝民蕩。其心官弗知所矜。或同官而轉相告也。或爭述而更相笑也。爲民父母。當民之無良而弗知悼也。而莫知夫道也。是民之盜也。

崇文教

士氣不振。民氣則靡礪。其風節。養其廉恥。閑之以法。待。小學弦歌。卷六教爲循吏
之以禮。以文會之。以意愧之。鼓舞而激勵之。春氣盛而秋氣退。而民曰吾之慈母也。士曰吾之經師。

辨興革

利則興之。安知所興。非利也。弊則革之。安知所革。有甚於弊也。利既興也。其弊亦得而乘也。弊既懲也。射無弊之利者。其弊亦得而增也。利多於弊。其弊不可懲也。弊多於利。其利不可興也。苟勑其始。當念其成也。否則無輕用其更也。

事上官

職在則然。貴安其卑。禮在則然。寧等諂之。爲我心有差等兮。弗愆其儀。事關民生。是其所是。非其所非。苟爲不然。僅可默勵其操。而弗移。錚錚佼佼。無使人知。人或及知爾身。則危橫逆。則順受也。而未可與持。征求當禮授也。而未可厚施。彼豚魚。尙可以中孚格之。而況上官亦民之有司。不誠不信。吾知爾殆而不廉。不謹。吾見爾殆而。

處寮友

君子無多。何必盡我交。君子雖多。何必皆我寮。我與君

小學莖歌

卷六 教爲循吏

三

二〇九四三
一〇三〇三二
之

子厚。何必無小人之友。君子福我。我本坦然而就小人。禍我。我寧膏然而受。不惡而嚴。不嶄嶄而召。嫌介然而謙。岸然而恬。不勝於彼。弗輕用其銛。無浼於我。我姑用其潛和。而不流涅。而不淄。內清外和。夷惠是師。

待賓從

敬汝之賓。必有禮。以將之。惠汝之僕。必有法。以防之。其敬維何。使吾賓無內顧之憂。其惠維何。使吾僕無不足之求。禮足以服人。敬之乃益善也。惠足以使人。防之又何怨也。不知其人。而事之。使之皆陷也。汝何以有知人。

之鑑也。

謹奢侈

俸錢在囊祿精在倉仰事俯畜足以康官腹甚飽而野多餓殍官衣滿桁而民多凍僵當時畫粥斷齋捉襟露肘志何事豈爲鮮衣美食計紈綺無纖塵奪汝印綬汝不如窮民華筵羅八珍幼汝貪饕汝不如細人可憐墨吏子孫死溝瀆怒罵祖父不恤福。

防窺伺

利之所在趨者如鶩左右內外之人有同欲惟官之勢處於獨一室之事不盡知一縣之事豈無疑官有七情人可得而持人情數變官莫得而窺或好或惡或喜或怒有人竊之以求厚賂傷哉汝官實爲孤注至親且然矧彼陌路。

安進退

偶然者仕宦綽然者吾身苟無愧於君父吾志可以伸官不與我生俱來我不可一日無官也何爲也哉人非聖賢得喪欣戚亦有懷平生所讀者何書迺於富貴利達沈溺而不回持一束書而得官持一束書而罷官歸

小學弦歌

卷六教爲循吏

三

二十七

明五

揖父老父老歡飲我竹葉酒著我鹿皮冠古來宦海多
波瀾中流覆溺亦大難汝何視官爲性命雞皮鶴髮作
傀儡千狀萬態供人看諸作至理名言壹以健筆達之可當韋絃之佩

書戒石

袁枚

戒爾縣尹爾亦生民服官而仕於民獨親朝食其地暮
稅其人曰由我生死由我富貧垂髻戴白爛其盈門靜
言思之如之何弗仁

唐虞既遠象刑不作周官既亡府胥無祿承符手力眈
眈虎目官能用吏吏如手足吏能用官官爲茶毒制之
有道豈曰敲仆

小學歌

卷六 教爲循吏

學

三十七
四十九

明

莫高爾門門閉則昏莫多爾符符出吏呼莫厭訟堂吾
將以爲房莫畏絲棼無德莫如勤不自以爲聰終無大
聾常自覺其廉滿面沾沾

立政勿異求名勿專虎不渡河古稱偶然兩稅無差撫
字賴焉五聽得宜教化在焉八頌扇和六莞崇厚仁在
義先理居情後

願持

袁枚

願持一語告同官莫笑蒲鞭道太寬辦事人多解事少

愛民心易治民難

感事

趙翼

乾隆未臺灣林爽文作亂王師征之久而後定時作者在總督李侍堯幕中作此

絕島桑麻久太平僑居人總買田耕但存清吏埋羹節
那有奸民歃血盟諧價苞苴官判贖曼聲絲肉妓傳觥
釀成一片塗膏地太息憑誰問主名吏治不修釀成禍亂可為殷監

軍事將蕺詩以誌幸

趙翼

無端伏莽報興戎一片蟲沙小劫中作賊豈聞頭到白
驅民已徧血流紅時平吏醉笙歌月事起兵寒草木風
小學弦歌卷六教為循吏
至此始知翼渤海賣刀買犢是奇功歸本吏治作結握要之談足稱詩史

邯鄲道上題壁

闕名

妖姬從古說叢臺一曲琵琶酒一杯若使桑麻真蔽野
肯行多露夜深來

示兒

徐氏

耿庭柏母

家下平安報汝知田園歲入有餘資絲毫不用南中物
好作音清官答聖時做

平海澳詩

并序

張學尹

莆屬海口二十有一平海澳其一也其民以漁

無端蜚語成羅織。城門未火池漁殃。大府耳聞非目見。
虎符夜下疾如電。飛將軍從天上來。倉皇便欲橫海戰。
中夜鳴角聲烏烏。白晝壞屋爭薪芻。閭閻惛息走且泣。
坐看熱血流交衢。顧我無才泣茲土。一第微名慙百堵。
馴雉飛鳧不敢知。豈謂平居戎伏莽。爰書具在焉可誣。
海濱赤子皆吾徒。先驅而往詎其實。五十三姓真無辜。
手攜十人報大府。明鏡虛堂宣所吐。豈惟一檄解戈矛。
居然三日出囹圄。我本儒生不知兵。海上投迹任孤行。
敢詔片言折疑獄。庶幾艱脆蘇殘萌。

小學歌

卷六 教爲循吏

望

二九十七
五

教閔農桑

杜陵叟 傷農夫之困也

唐 白居易

杜陵叟杜陵居歲種薄田一頃餘。三月無雨旱風起麥
苗不秀多黃死。九月降霜秋早寒。禾穗未熟皆青乾。長
吏明知不申破。急斂暴征求考課。典賣桑田納官租。明
年衣食將何如。剝我身上帛。奪我口中粟。虐民害物卽
豺狼。何必鉤爪鋸牙食人肉。不知何人奏皇帝。帝心惻
隱知民斃。白麻紙上書德音。京畿盡放今年稅。昨日里
胥方到門。手持尺牒榜鄉村。十家租稅九家畢。虛受吾

爲業有五十三姓漁戶。皆良家子。其南有野馬洋。爲海盜出沒之所。乙亥十月三日。余蒞莆受事。是日卽有野馬洋劫殺之變。巡海都司廖起貴指報平海漁戶督部汪公檄副將慶公發兵捕之。起貴將所部先至屯城外。頗騷擾。余以獄尙未成。未宜遽用兵。兵在城外。且若此。一入海口。民何以堪。力請緩發。廖君趣行。益急。勢不可止。乃陽許爲具糗糧。期以五日。午時啟行。而四日薄暮。微服先出。寅夜疾馳。天明至澳時。海壇鎮標千總蔡光裕駐澳口。漁船下海。出入皆報取印冊核之。自九月二十九日至十月四日。平海漁戶無出口者。遂擇其年長言語能自達者十人。命從入城待質。日午馳還縣。中途遇官兵相持半日。竟與偕返。十人者至省。汪公察其情。皆釋還。同時郡縣之南曰澳。蓼兒澳。皆以廖起貴捕盜。故受兵禍。多所屠戮。惟平海獨免。

海波澄天淨。無滓澳裏人。煙空濛起鳴榔然。竹集萬漁父。老安居百年矣。萑苻竊發野馬洋。律令火急追逋亡。

小學弦歌

卷六 教爲循吏

三

三十七年七月
六十二一明

君蠲免恩

繚綾 念女工之勞也

白居易

繚綾繚綾何所似，不似羅綃與紈綺。應似天台山上明
月前，四十五尺瀑布泉。中有文章又奇絕，地鋪白煙花
簇雪。織者何人衣者誰，越溪寒女漢宮姬。去年中使宣
口敕，天上取樣人間織。織爲雲外秋雁行，染作江南春
水色。廣裁衫袖長製裙，金斗熨波刀翦紋。異彩奇文相
隱映，轉側看花看不定。昭陽舞人恩正深，春衣一對直
千金。汗沾粉汗不再著，曳土踢泥無惜心。繚綾織成費
小學弦歌

卷六 教閱農桑

四

三〇五二五

觀刈麥

白居易

田家少閒月，五月人倍忙。夜來南風起，小麥覆隴黃。婦
姑荷簞食，童稚攜壺漿。相隨餉田去，丁壯在南岡。足蒸
水土氣，背灼炎天光。力盡不知熱，但惜夏日長。復有貧
婦人，抱子在其旁。右手攜遺穗，左臂懸敝筐。聽其相顧
言，聞者爲悲傷。家田輸稅盡，拾此充飢腸。今我何功德，
曾不事農桑。吏祿三百石，歲宴有餘糧。念此私自愧，盡

日不能忘時白公爲
盤匡尉

織女辭

孟郊

夫是田中郎。妾是田中女。當年嫁得君。爲君秉機杼。筋力日已疲。不息窗下機。如何織紵素。自著檻樓衣。官家勝邨路。更索栽桑樹。

當窗織

王建

歎息復歎息。園中有棗行人食。貧家女爲富家織。翁姆隔牆不得力。水寒手澀絲脆斷。續來續去心腸爛。草蟲促促機下噓。兩日催成一匹半。輸官上頭有零落。姑未小學弦歌。

卷六教閱農桑

望二九十九
三七七五 五

得衣身不著。當窗卻羨青樓倡。十指不動衣盈箱。此所謂刺繡紋不如倚市門也。然豈能以彼易此。

田家二首

聶夷中

父耕原上田。子劓山下荒。六月禾未秀。官家已修倉。二月賣新絲。五月糶新穀。醫得眼前瘡。剗卻心頭肉。我願君王心。化作光明燭。不照綺羅筵。只照逃亡屋。

憫農詩二首

李紳

春種一粒粟。秋收萬顆子。四海無閒田。農夫猶餓死。鋤禾日當午。汗滴禾下土。誰知盤中飧。粒粒皆辛苦。呂溫

見此詩曰此人必
爲宰相果如其言

贈織戶

五代
李詢

札札機聲曉復晡。眼穿力盡竟何如。美人一曲千端賜。
心裏猶嫌花樣疏。

農家

顏仁郁

夜半呼兒趁曉耕。羸牛無力漸艱行。時人不識農家苦。
將謂田中穀自生。

詠蠶婦

蔣詒恭

辛勤得繭不盈筐。燈下纒絲恨更長。著處不知來處苦。
小學弦歌卷六教閱農桑吳二十九章五
但貪衣上繡鴛鴦。

鄰曲有未飯。被迫入郭者。憫然有作

宋
陸游

春得香秔摘綠葵。縣符急急不容炊。君王日御金華殿。
誰誦周家七月詩。

蠶婦吟

謝枋得

子規啼徹四更時。起視蠶稠怕葉稀。不信樓頭楊柳月。
玉人歌舞未曾歸。

閔蠶婦

張愈

昨日入城市歸來淚溼巾。徧身羅綺者不是養蠶人。

卽事

棹桃

舊桃寇萊公妾也萊公好歌舞棹桃以此諷之

一曲清歌一束綾。美人猶自意嫌輕。不知織女機窗下。幾度拋梭織得成。

兒牧牛

元 吳志道

兒牧牛。豐林清潤縱爾游。長鞭短策莫輕舉。從渠飲齧飽卽休。老幼年年仰衣食。耕種田園藉牛力。早夜單衣自飯之。祇恐春來牛或瘠。日日丁寧語牧兒。老翁餉爾小學弦歌。
卷八 教閱農桑 望 三 卅 六 章 玉

夜織麻行

曹文晦

松燈明。茅屋小。妾攜稚子坐團團。長夜緝麻幾至曉。辛勤豈望卒歲衣。阿姑幾番催罷機。輸官未足私債急。妾身不掩奚足恤。念兒辛苦種麻歸。依舊懸鶉曝朝日。松燈滅。茅屋閉。麻盡機空得早眠。門外催租吏聲厲。

纈絲歎

舒 頤

東家纈絲如蠟黃。西家纈絲白如霜。黃白絲出蠶口長。

短纜出婦手，大姑停車愁。解官小姑剝，繭愁冬寒向來苦。留二月賣，去年宿債今未還。手足皸瘃事亦小，官府鞭笞何日了。君不見縣吏催租夜打門，一家稚妻生煩惱。

牛歎

麻九疇

誰憐宿料一生無，身後仍遭金十奴。帷蓋卻教蒙犬馬，不知何事負農夫。

題蠶婦圖

明 趙臨海

蠶未成時葉已無，鬢雲撩亂粉痕枯。宮中羅綺輕如布，小學弦歌

卷六教閱農桑

哭

二九六

王

爭得王孫見此圖，明太祖見此詩命以爲臨海太守

耕田歌

本朝 陳恭尹

耕田樂，耕田苦，樂哉樂有年，苦哉不可言。春未至先扶犁，霜華重土氣肥。春已至，農事始，雞未鳴，耕者起，泥汨汨，水光光。二月稻芽，三月打秧，五月收花，六月垂垂黃，再熟之田始有望。三月打秧，六月薈草，一熟之田，九月始得穫。稻近路畏馬，馬食猶寡。近水畏兵，兵刈何名懸。官不待熟，不熟昨日取錢，今取穀。西鄰典衣東賣犢，黃犢用力且勿苦，屠家明日懸爾股。

祈雨謠

沈德潛

鐵冶禁南門闔祈雨一依繁露法火雲燒空日蒸毒風
田中依舊多生蟲去年大荒今年大疫農死過半無粒
食棄田不救田龜坼長官督道流拜禱心誠求洗滌衢
路通渠溝道流窘迫心繁憂夜來星漢互天宇廣川術
不靈轉思卜式語烹宏羊天乃雨

織婦篇

樓廷輝

唧唧誰家女絲絲長弄梭夜長不得息觸手秋風多秋
風入我房秋月照我戶一絲續一絲借問婦何苦答言

小學弦歌

卷六教閱農桑

完

二〇册二五
三七九安

婦有翁有翁復有姑姑老皺雙頰翁不任荷鋤膝前所
嬌兒嫵婉七歲子索要糜粥嘗驚呼淚如水丈夫在他
鄉歲晏不得歸要待室中帛作汝身上衣衣長丈六尺
衣短猶半匹萬緒復千頭心煩手不結忽忽翦下機謂
言機有餘有餘翻不足及帶無襟裾叩門爾何人縣官
要秋稅請將機中絲聊供草鞋費

吳興養蠶曲

吳文溥

吳興養蠶三月杪桑閒女兒何窈窕黃昏飼蠶至清曉
露葉懸風門巷小一眠再眠蠶愈多十株五株葉漸少

安得妾身化蠶代蠶饑妾身化葉與蠶飽

紡花詞

朱麟應

木棉花白于雪小車巧運似纒絲一縷綿綿抽不絕短
檠照壁冷燄青家家夜紡寒未停朝來拋梭織成布長
爲寬衫短爲袴一身得煖何所須不知世有貂檐榆

夏耘詞

嚴如燧

火雲燒紅日溪澗翻沸湯徒倚柳陰下招風解衣襟卻
顧杖藜老偃僂田中央脊背曬漆黑手足交蹶張我與
老翁語備矣待陰涼老翁前致詞穡事官未詳亂苗惡

小學弦歌

卷六 教閱 典之 桑

辛

二九〇一
日七十七

五

生莠不去田蕪荒拔根期害絕暴之趁朝陽芄芃非易
致雷辭汗流滂官但苦炎熱暑節本其常但能秋有穫
炎熱固相忘我憫老翁苦聞言重傍徨作苦田家事拮
据望登場新穀五月賣幾人隔歲糧豪家飫珍錯墨吏
饜膏梁詎知尊中酒炙脂盈其旁詎知甑中飯汗血粒
粒藏炎威爾不知冰水調華堂胡不當烈日赤腳行農
莊

教織歌

嚴如燧

嗟汝山中民稻梁還易謀尺絲與寸布艱難資下游無

衣亦無楮。慄慄畏及秋。教織聽我作鄉語。在處鄉村有
婦女。男子東作勤耕田。婦女也要事機杼。不須誇綾羅。
那能穿草楮。村前村後肥土畚。處處好種木綿花。山綿
花緊賽湖地。只要辛勤紡作紗。繞籬栽藍草。藍花染布
好。淺作月藍深揚青。一樣顏色生華藻。新汝裙與履衣
汝夫並子裝。成體面何楚楚。省得青蚨買城市。山中巖
柏花。梨香作就紡車更機杼。分給里正作模樣。殷勤還
教紡織方。蓬蓬白雲花。滿地彈絮抽條次第。記踏車引
送有身勢。經梭緯梭要細意。四到心眼同手足。女紅耐
勞莫游戲。汝不見天孫有星名。織女終日也要成七襄。
又不聞天子宮裏后妃貴。春夭飼蠶還親桑。描鸞刺鳳
到無用。只要軋軋之聲徧村鄉。阿母今年六十五。夜織
四轉譙樓鼓。手爪正好操年少。健婦持家非小補。但思
獵獵霜風砭肌骨。長夜自能忘疲苦。

織婦吟

樓梯霞

蟲聲夜呼切。小婦向機泣。非關蕭索動秋心。別有關情
訴衷臆。去年歲熟棉多房。白花黃梁交道旁。綠窗有女
事機杼。九月未寒衣盈箱。今年旱魃何熯熯。禾稼焦爛

小學歌

卷六 教閱農桑

五

三九七三

明

棉亦空。偶然零落供織紉。朝機暮市延殘命。舊衣典食且不敢。將刀尺泣秋風。夫行采蕨兒無裳。涼飈颯颯吹我房。三冬霜雪寒正苦。腹餓何堪受淒楚。不爲凍鬼卽餓殍。夜月機絲虛織女。言罷已覺涕泗橫。拋梭不語心骨驚。今歲窮簷類若此。請君爲聽織婦吟。

簇蠶詞

沈堡

茅簷月出光初明。流照薄帷蠶婦驚。急起飼蠶恐失候。匡牀那顧嗁孩嬰。上箔旣勻更下箔。如聞雨灑庭梧聲。三眠三起功始成。靜掃廬舍無蒼蠅。束藁爲山閉蠶室。小學弦歌卷六教閱農桑。遇遮不使風穿楹。朝來布席祀馬鳴。婦奠酒漿男獻牲。三日開房雪燦燦。今歲稱絲應滿簾。軋軋繰車聲正起。催租吏已敲柴荆。

織婦吟

汪松

春蠶不盡絲。辛苦年年織。試問綺羅人。機杼何曾識。教知止

詠二疏

晉陶潛

大象轉四時。成功者自去。借問衰周來。幾人得其趣。遊目漢庭中。二疏復此舉。高嘯返舊居。長揖儲君傅。餞送

傾皇朝華軒盈道路。離別情所悲。餘榮何足顧。事勝感
行人。賢哉豈能譽。厭厭閭里歡。所營非近務。促席延故
老。揮觴道平素。問金終寄心。清言曉未晤。放意樂餘年。
追恤身後慮。誰云其人亡。久而道彌著。

歸田園居

四首

陶潛

少無適俗韻。性本愛邱山。誤落塵網中。一去三十年。羈
鳥戀舊林。池魚思故淵。開荒南野際。守拙歸園田。方宅
十餘畝。草屋八九間。榆柳蔭後檐。桃李羅堂前。曖曖遠
人村。依依墟里煙。狗吠深巷中。雞鳴桑樹顛。戶庭無塵
土。小學莊歌。卷六教知止 五

五

二九。九

之

雜虛室有餘閒。久在樊籠裏。復得返自然。

野外罕人事。窮巷寡輪鞅。白日掩荆扉。虛室絕塵想。時
復墟曲中。披草共來往。相見無雜言。但道桑麻長。桑麻
日已長。我土日已廣。常恐霜霰至。零落同草莽。
種豆南山下。草盛豆苗稀。晨興理荒穡。帶月荷鋤歸。道
狹草木長。夕露沾我衣。沾不足惜。但使願無違。

久去山澤游。浪莽林野娛。試攜子姪輩。披榛步荒墟。徘徊
徧邱壑。閒依依。昔人居。井竈有遺處。桑竹殘朽株。借問
採薪者。此人皆焉如。薪者向我言。死後無復餘。一世異

朝市此語真不虛。人生似幻化。終當歸空無。

歎世

唐僧無本

多置莊田廣修宅。四鄰買盡猶嫌窄。雕牆峻宇無歇時。幾日能爲宅中客。問舍求田猶未已。堂上哭聲人已死。哭人盡是分錢人口。哭原來心裏喜。

歸漢南園

孟浩然

嘗讀高士傳。最嘉陶徵君。日耽田園趣。自謂羲皇人。予復何爲者。栖栖徒問津。扇枕北窗下。采芝南澗濱。因聲謝同列。吾慕潁陽真。

小學弦歌

卷六教知止

書

二九。三。五
又の十。一。之

不致仕

秦中吟十首之一

白居易

七十而致仕。禮法有明文。何乃貪榮者。斯言如不聞。可憐八九十。齒墮雙眸昏。朝露貪名利。夕陽憂子孫。掛冠顧翠綉。懸車惜朱輪。金章腰不勝。偃僂入君門。誰不愛富貴。誰不戀君恩。年高須告老。名遂合退身。少時共嗤訕。晚歲多因循。賢哉漢二疏。彼獨是何人。寂寞東門路。無人繼去塵。

自感

白居易

冥遊寢食漸無味。杯杓管絃徒繞身。賓客歡娛僮僕飽。

始知官職爲他人

若與此輩商出處必不能退矣

酬江西帥韋丹

僧靈徹

年·老·心·閒·無·事·外·布·衣·草·屨·亦·容·身·相·逢·盡·道·休·官·去·
林·下·何·曾·見·一·人·
元和中韋丹帥江西與東林僧靈徹爲忘形之契丹嘗爲思歸絕句寄徹以此

偶題 二首

鄭 遨

似·鶴·如·雲·只·一·身·不·憂·家·國·不·憂·貧·擬·將·枕·上·日·高·睡·
賣·與·世·閒·榮·貴·人·

帆·力·劈·開·滄·海·浪·馬·蹄·踏·破·亂·山·青·浮·名·浮·利·濃·於·酒·

小學弦歌

卷六教知止

靈

二十七步 明

醉·得·心·心·死·不·醒·

嚴陵祠

宋 范仲淹

漢·包·六·合·網·英·豪·一·箇·冥·鴻·惜·羽·毛·世·祖·功·臣·三·十·六·

雲·臺·爭·似·釣·臺·高·

贈王魏公旦

魏 舒

天禧末王文正公求退不許舒寄以詩公亟袖以上聞遂得請

人·閒·宰·相·惟·三·載·君·在·中·書·十·四·秋·西·祀·東·封·俱·已·了·
歸·來·好·伴·赤·松·遊·

始至洛中言懷

司馬光

三十餘年西復東。勞生薄宦等飛蓬。所存舊業惟清白。
不負君恩有樸忠。早避喧煩真得策。未逢危辱好收功。
太平觸處農桑滿。贏得閭閻鶴髮翁。

題襄州驛亭

寇準

沙隄築後迎丞相。驛使催時送逐臣。到底輸他林下客。
無榮無辱自由身。

詠物

蘇軾

蝸涎不滿殼。聊足以自濡。升高不知疲。竟作粘壁枯。此

爲知進不
知退者戒

小學歌

卷六 教知止

五

五十八

明

題陳相別業

張宗永

喬松翠竹絕纖埃。門對寒山盡日開。應是主人貪報國。
功成名遂不歸來。

題東庵

周端臣

一庵高隱古城邊。不是山林不市廛。落日滿窗霜滿屋。
臥聽宰相去朝天。

卽事

元許衡

黑雲莽莽路昏昏。底事登車尙出門。直待前途風雨惡。

蒼茫何處覓煙村。

鐘鳴漏盡夜行不休
讀此可以知止矣

急流退

樂府之一

明李東陽

宋太宗時右諫議陳昌言罷上問左右昌言涕泣否及呂蒙正罷相又曰望復位眼穿矣學士錢若水嘆曰上待士如此蓋無秉節高邁全進退之義以感動之者耳卽欲移疾以西陲用兵不敢請真宗卽位乞養歸

呂丞相眼欲穿錢樞密興已翩君有輕士心臣有制命權命在我不在天明日拂衣遊華山

宿淨慈寺

王守仁

山僧對我笑長見說歸山如何十年別依舊不曾闕

雜詠

本朝

黃任

小學歌

卷六教知止

七

常參班裏說歸休都作寒暄好話頭怪似朱門歌舞地屏風偏畫白蘋洲

教知足

題座隅

唐

白居易

手不任執爨肩不能荷鋤量力揆所用曾不敵一夫幸因筆硯功得升佳進途歷官凡五六俸祿及妻孥左右有僣僕出入有單車自奉雖不厚亦不至飢飭若有人及此旁觀爲何如雖賢亦爲幸況我鄙且愚伯夷古賢人魯山亦其徒時哉無奈何俱化爲饑殍念彼益自愧不敢忘斯

須平生榮利心破滅無遺餘猶恐塵妄起題此於座隅
點額魚 白居易

龍門點額意何如紅尾青鬢卻返初見說在天行雨苦
為龍未必勝為魚

放魚

賈鞏

金錢贖得免刀痕聞道禽魚亦感恩好去長江千萬里
不須辛苦上龍門

北邙山

張籍

洛陽北門北邙道喪車麟入秋草車前齊唱薤露歌

小學弦歌

卷六教知足

五

高墳新起白峩峩朝朝暮暮人送葬洛陽城中人更多

千金立碑高百尺終作人家柱下石隴頭松柏半無主

地下白骨多於土寒食家家送紙錢鴟鴞作窠街上樹

人居朝市未知愁請君暫向北邙步 想到此萬念俱空
矣名與利果何為

耶

放歌

唐人 闕名

人生七十古來少先除年少後除老中間光景不多時

更有炎涼與煩惱朝裏官多做不盡世上錢多賺不了

官大錢多憂轉多落得自家頭白早中秋過了月不明

清明過了花不好花前月下且高歌及時忙把金尊倒
請君檢點眼前人一年幾度埋芳草芳草高低新舊墳
可憐寒食無人掃

牧童詩

六歲作

宋黃庭堅

騎牛冉冉過前村短笛風吹隔隴聞多少長安名利客
機關用盡不如君

登六和塔

李宗勉

經從塔下幾春秋每恨無因到上頭今日始知高處險
不如歸去臥林邱

小學弦歌

卷六教知足

五

二九七

詠古樹

宋人

四圍喬木盡兒孫曾見吳宮幾度春若使當年成大廈
也應隨例作灰塵

此莊生所謂以不材得終其天年也

鑷白髮

蔣復軒

勸君休鑷鬢毛斑鬢到班時已自難多少朱門年少子
業風吹上北邙山

德興縣葉元愷家題

朱子

蔥湯麥飯兩相宜蔥暖丹田麥療飢莫道儒家風味薄
隔鄰猶有斷炊時

春晚村居

陸游

澆書滿挹浮蛆甕。攤飯橫眠夢蝶牀。莫笑山翁見幾晚也。勝朝市。一生忙。

醒悟詩

明羅倫

此身大海一浮漚。只合捱排過便休。事欲稱情常不足。人能退步便無憂。衰榮可喻花開落。聚散還同雲去留。我已久忘塵世念。頽然終日倚層樓。

解組錄四首

羅洪先

獨對青山一舉觴。醒時歌舞醉時狂。黃金不是千年業。小學弦歌

卷六教知足

本三十三之五

紅日難消兩鬢霜。身後碑銘空自好。眼前傀儡為誰忙。得些生意隨時過。光景無多易散場。

為人不必苦張羅。聽得仙家說也麼。知事少時煩惱少。識人多處是非多。錦衣玉食風前燭。象簡金魚水上波。富貴欲求求不得。縱然求得待如何。

新命傳宣墨未乾。櫛風沐雨上長安。低頭嬾進三公府。跌足羞登萬眾壇。聞戒固多持戒少。承恩容易報恩難。何如急早回頭看。松柏青青耐歲寒。得失榮枯總有天。機關用盡也徒然。人心不足蛇吞象。

世事到頭頓捕蟬。無藥可醫。卿相病有錢。難買子孫賢。得過一日過一日。一日清閒一日仙。

病中示諸子

顧憲成

憲成病篤時諸子環泣公張目曰人有來處應有去處夫何傷已而忽蘇遂吟此詩

茫茫大化任推遷。消息盈虛總自然。若向箇中生去取。請觀四十六年前。

小學弦歌

卷六教知足

三

卅三

五

小學弦歌卷六

終

小學弦歌卷七

戒貪

贈鈞者

宋范仲淹

江上往來人。盡愛鱸魚美。君看一葉舟。出沒風濤裏。

苞苴行

鄭俠

苞苴來苞苴。去封書裏信。不得住。君不見箕山之下有
仁人。室無杯器。以手捧水。不願風瓢挂高樹。

弔脫脫丞相

元人

百千萬貫猶嫌少。堆積黃金北斗邊。可惜太師無腳費。

小學弦歌

卷七 戒貪

一字三の千三 玉 点七十三 明

不能搬運到重泉

入京

明于謙

明時外吏入覲用絹帕蘑菇線香等物為土儀以貽朝貴皆派諸民間公任巡撫將入都不持

一物故
作此詩

絹帕蘑菇並線香。本資民用反為殃。清風兩袖朝天去。免得閭閻話短長。

感賦

漆修綸

空拳赤手初生世。富貴何人是帶來。既不帶來難帶去。銅山鐵券總塵埃。

四知歌

李東陽

漢楊震守東萊昌邑令王密夜懷金遺震謂暮夜無知者震曰天知地知子知我知何謂無知密慙而去

故人知君君不知故人下有厚地兮上有蒼旻縱不吾知兮吾心有神金獨何為兮至吾門吾閉吾門兮省吾身

咏撲滿

本朝 孫灝

西京雜記鄒長清遺公孫宏撲滿一枚因寓書示戒曰撲滿者以土為器以蓄錢具有入竅而無出竅滿則撲之土麤物也錢重貨也入而不積而不散故撲之士有聚斂而不能散者將

小學弦歌

卷七 戒貪

二 字三五字 五

有撲滿之敗而可不戒歟云云

有物工斂財厥功利搏土名卑貪夫愛質陋良治侮守口深難窺吸箕仰有取六州鑄錢愚一竅穴金鳴形模偃鼠微腰腹怒蛙鼓幣納周景千瓶投漢銖五情睗方兄親算工姪女數挂杖看阮孚繞牀詫夷甫滿籬笑遺經長袖比善賈豈意敲器危不堪墮甑撫唾壺缺一朝玉斗碎終古混沌鑿忽開膨脹何苦速刪錢神論大戒皿蟲蠱盛滿厲所階脂膏怨之府苟懷焚身防或較噬臍愈東閣平津侯西京媚臣祖故人託諷規忠告敢

傾吐布被節清聲金門踐華廡
名倪董儒發迹羊豕
伍撲滿何心哉
寓言不無補

礦使出

明史樂府之一

尤侗

礦使出山川泣稅使出舟車泣
君王爲商賈貂璫皆盜
賊百姓變殺貂璫有司罪
繫桁楊可憐太守婦自縊
檻車旁滿朝交章不報罷
詔書已停持不下欲詔下待晏

駕

南康守吳寶秀被逮妻陳氏自縊檻車旁

孤兒行

田茂遇

孤兒啼聲何淒然問汝啼何爲
長跪答言父爲南海太

小學弦歌

卷七戒貪

三

三百七十一明

守居官清廉不枉取一錢
鳴騶吹角大吏巡邊前導到
部勢喧然晨報謁不得前夕報謁不得前急從販繒者
貰縑百聯獻之幕府大不歡曰此邦舊有百斛珍珠船
大吏朝去境夕拜賤守此海邦另擇名賢烏白鷺黑上
下茫然父羈南海不得旋客死歸黃泉兒負夔母跋涉
山川乞食路間望見大吏鳴騶吹角仍巡邊猗嗟父骨
歸何年凡大吏貪黷則舉劾必不公吏民受害因而亡身喪家者不可勝道也究竟所贖之貨悖出隨

益哉

之抑何

制府來
有序

沈德潛

客迹制府始末甚詳因成樂府四解誌往事做
後來也

制府來勢炎赫上者罪監司下者罪二千石屬吏驅使

如牛羊千里輦重來奔茫鞠臚上壽登公堂制府賜顏

色屬吏貼席眠破得百家產博得制府歡制府之樂千

萬年一解揚旗旌麾三軍制府航海清海氛聲名所到步

步生風雲居者闔戶行者側足但稱制府來小兒不敢

哭軍中隊隊唱凱旋內實百貨裝樓船文武郊迎次且

不得近前制府之樂千萬年二解制府第神仙宅夜光錦

小學弦歌

卷七戒貪

四

三百五十一
小

披牆壁明月珠飾履烏貓睛鴉鵲石兒童戲弄當路擲

平頭奴子珊瑚鞭妖姬日夕舞綺筵賞賜百萬黃金錢

天長地久雨露偏制府之樂千萬年三解太陽照冰山傾

黃紙收制府兩刻不得暫停輅車一兩千里無人送迎

婦女戩手詈童稚呼其名爰書定在旦夕求為廝養廝

養不可得盤水加劍請室閨從前榮盛如雲煙制府之

樂千萬年四解按此詩似為兩
江總督噶禮作

著

袁枚

笑君攫取忙送入他人口一世酸鹹中能知味也否凡

民以奉上官者
讀此能無廢然

入耳賦

趙翼

姜南筆談有人乞副憲孫薪向地方官緩頰許以厚賂孫斥之曰此言聞於我卽是人耳賦也
元禮門高萬仞岡肯教代作嫁衣裳四知金到雖揮去
已是人閒入耳賦

書所見

趙翼

解綬歸來卜築忙老夫曾此賀華堂看他營造看他賣
底事人猶羨宦囊

詠史

趙翼

小學弦歌

卷七戒貪

五

五十二
小

炙手權門百賄填古人眼孔究堪憐區區黃雀青魚鮓
屋棟雖充值幾錢胡椒八百斛亦然

偶得

趙翼

何處夫己氏作吏印懸肘望門計民費掩取魚入筍鳴
呼百金產中人豈易有飢腸忍吼牛勞筋羨眠狗銖銖
積數世方期保敝帚一朝威攬之空空剩兩手竭彼父
祖力貽我子孫守天道果有知此物可能久

戒淫

昨日

唐司空圖

昨日流鶯今日蟬。起來又是豔陽天。六龍飛轡長相促。爭忍臨危自著鞭。楊誠齋嘗云閻羅未嘗相喚好色者乃自行押到正是此意

獻陳陶處士

蓮花妓

嚴宇鎮南昌以處士陳陶操行清潔欲撓之遣小妓蓮號花往侍焉陶不為動妓獻此詩遂去

蓮花為號玉為顯。珍重尙書遣妾來。處士不生巫峽夢。虛勞神女下陽臺。

答妓

陳陶

近來詩思清於水。老去心情薄似雲。已向昇天得門戶。

錦衾深愧卓文君。

小學弦歌

卷七戒淫

六

三〇九十一 五八十七 小

口占絕句

宋

僧道潛

東坡在徐州道潛自錢塘往訪之坡席上有妓戲令求詩道潛口占此詩自是名聞海內

寄語東山窈窕娘。好將幽夢惱襄王。禪心已作沾泥絮。

不逐春風上下狂。

呈沈詹事

持要

潘矩

沈持要作秦檜貶筠州時方買一妾年十七入攜與同行居筠州七年既歸呼女父母以女歸之猶處子也安吉尉潘矩作此以美之

昔年單騎赴筠州。覓得歌姬共遠遊。去日正宜陪夜直。歸來渾未識春愁。禪人尙有香囊媿。道士猶懷炭婦羞。

鐵石心腸延壽藥不風流處也風流

即事

明 陸仲容

仲容應試寓旅舍有女挑之仲容不為動遂作此詩是年大魁天下

風清月白夜窗虛有女來窺笑讀書欲把琴心通一語
十年前已薄相如

貞娘墓

明 人

虎邱山下冢離離是處松楸盡可悲何事貴人偏重色
貞娘墓上獨題詩

醒世

僧元朗

小學弦歌

卷七 戒淫

七

二〇九十七

小五

本是臭皮袋強將脂粉搽凡人太無識喚作一枝花相
牽入地獄此最是冤家

戒殺

觀打魚

唐 杜 甫

蒼江漁子清晨集設網提綱萬魚急能者操舟疾若風
撐突波濤挺叉入小魚脫漏不可紀半死半生猶戢戢
大魚傷損皆垂頭崛起泥沙有時立東津觀魚已再來
主人罷鱸還傾杯日暮蛟龍改窟穴山根鱸鮪隨雲雷
干戈兵革鬪未止鳳凰麒麟安在哉吾徒胡為縱此樂

暴殄天物聖所哀

結出正論
大筆淋漓

放魚

白居易

曉日提竹籃。家僮買春蔬。青青芹蕨下。疊臥雙白魚。無聲但呀呀。以氣相煦濡。傾籃寫地上。撥刺長尺餘。豈惟刀几憂。坐見螻蟻圖。脫泉雖已久。得水猶可蘇。放之小池中。且用救乾枯。水小池窄狹。動尾觸四隅。一時幸苟活。久遠將何如。憐其不得所。移放於南湖。南湖連西江。好去弗踟躕。施恩卽望報。吾非斯人徒。不須泥沙底。辛苦覓明珠。

小學弦歌

卷七戒殺

八

五

又放魚

白居易

香餌見來須閉口。大江歸去好藏身。盤渦峻激多傾險。莫學長鯨擬害人。

贈獵騎

杜牧

已落雙鵬血。尙新鳴鞭走馬。又翻身。憑君莫射南來雁。恐有家書寄遠人。

東園

宋

蘇軾

秋來霜露滿東園。蘆葦生兒芥。有孫我與何曾同一飽。不知何苦食雞豚。君子遠庖廚。即是此意。

戒殺詩

黃庭堅

我內眾生肉名殊體不殊原同一種性只是別形軀苦惱從他受肥甘爲我須莫教閻老斷自揣應何如

悲野雀

本朝 施閏章

沂州人以捕雀爲業作此示之

粉榆繁羽族瑣細無定名所謀非稻粱不與雞鶩爭張羅始何日遂使風俗成機發盡掩覆一羅穢羣生持此飲啄具充君鼎俎烹苦慚託體微不足一杯羹同類爲啾啾失侶長哀鳴君輟筵上箸請聽簷外聲讀末二語雖老養亦

小學弦歌

卷七 戒殺

九

廿八 正

應動心

題壁詩

失名

獵騎踴躑草正肥腰弓挾矢去如飛勸君莫打春天鳥兒在窠中望母歸

閩口觀鱖魚者

查慎行

插河一綫才如溝戢戢魚聚鉞千頭其中巨者長二寸領隊已足稱豪酋汝生亦覺太局促漂漚散沫沈復浮不知世有江海闊長養何異蒙拘囚居民活計乃在此勞不撒網逸不鉤竹竿縹曾密作眼駕以一葉無篷舟

朝來暮去尋丈內。細細粘取銀花稠。庖廚卻緣瑣碎棄。
曝向風日乾初收。微腥但供飼狸用。性命肯爲纖毫留。
吾聞王政雖無澤。梁禁鯤鮪尚有沔池游。人窮微物必
盡取。此事隱繫蒼生憂。一錢亦徵入市稅。津吏往往多
窮搜。於杜白名作外別
出一意關繫非輕

毒魚歌

林峯奇

秋水向涸欲斷流。村民宵渡溪南洲。辣茶細擣齋百斛。
傾攪淺瀨魚兒愁。毒沫遠泛水盡黑。欲徙湖海其何由。
小魚偶中死最迅。大魚困伏俄亦浮。是時燈火夾岸起。
小學弦歌

卷七 戒殺

十一

三二九

春

長叉大網紛相投。巧者貪多舍近渚。設筍卻向梁間收。
鮎魴鯉鯉豈暇擇。所得真覺如山邱。天星稀人漸散。
家家鱸鮓盈盤甌。我聞取物忌太盡。竭澤恐召蛟龍讐。
三歎鄰饋不忍食。缺鮮吾自垂竿求。釣而不網
卽是此意

戒爭競

書扇示門人

宋 范仲淹

一派青山景色幽。前人田地後人收。後人收得休歡喜。
還有收人在後頭。

示子弟

楊 玠

公隨蜀王衍歸朝官工部尚書致仕時長安舊居多被侵占子弟欲訴諸官公止以詩

四鄰侵我從伊畢竟須思未有時試上含元殿基望

秋風秋草正離離韓魏公遺事公判京兆日常書此以示其姪孫蓋引楊公詩非魏公自作

也明劉忠宣公亦嘗引以示子弟

寄家書

宋人

南軒北牖又東扉取次園林待我歸當路莫栽荆棘草
他年免掛子孫衣

誠子弟

明林瀚

何事紛爭一角牆讓他幾尺也無妨長城萬里今安在

小學歌

卷七戒爭競

十一
八十七
五

不見當年秦始皇

批訟牘二首

高材

公忠憲公祖也令黃巖有顯者奪民地親往勘之果民地也因以二詩批牘顯者大慚遂還民地

一片青山一片金百年人有萬年心鴻溝未必常為界

倏忽浮雲變古今

踏徧青山山轉我問山不語奈山何若無山下纍纍冢
料得爭山人更多

勸友

李如一

愚濁生瞋怒。皆因理不通。休添心上火。只作耳邊風。長短家。家有炎涼處處同。是非無實相。轉眼究成空。

蟻鬪

本朝 查慎行

國手圍棋分黑白。村兒鬪草計輸贏。轉頭一笑全無味。不解當場底死爭。

偶成

沈用濟

蟻螟殺賊蚊巢上。蠻觸交爭蝸角中。比似諸天觀下界。一微塵裏鬪英雄。以道眼觀之。不值一哂。

戒躁進

小學弦歌

卷七戒爭競

十三

二五

送崔郎中赴闕

唐 白居易

稱意新官又少年。秋涼身健好朝天。青雲上了無多路。卻要徐驅穩著鞭。凡仕途之患。在躁進而行險也。徐驅則不躁。進穩著鞭則不行險矣。

讀李斯傳

曹 鄴

一車致三載。本圖行地速。不知駕馭難。翻足成顛覆。欺暗尚不然。欺明當自戮。難將一人手。掩盡天下目。不見三尺墳。雲陽草空綠。

戒從子杲

宋 范 質

戒爾學立身。莫若先孝弟。怡怡奉親長。不敢生驕易。戰

戰復兢兢造次必於是戒爾學干祿莫若勤道藝嘗聞
諸格言學而優則仕不患人不知惟患學不至戒爾遠
恥辱恭則近乎禮自卑而尊人先彼而後己相鼠與茅
鴟宜鑑詩人刺戒爾勿放曠放曠非端士周孔垂名教
齊梁尙清議南朝稱八達千載穢青史戒爾勿嗜酒狂
藥非佳味能移謹厚性化爲凶險類古今傾敗者歷歷
皆可記戒爾勿多言多言眾所忌苟不慎樞機災厄從
此始是非毀譽閒適足爲身累舉世重交遊擬結金蘭
契忿怨容易生風波當時起所以君子心汪汪淡如水
小學弦歌

卷七戒躁進

三

三

明

翠賦命有疾徐青雲難力致寄語謝諸郎躁進徒爲耳
此詩朱子采入小學原篇甚長小學采其後半

雜興

本朝 張廷玉

飄風不終朝驟雨不終日三復老子言可知立身術
彼草木微春華秋始實氣候苟不完纍纍安可必寄語
功名人進取休太疾早榮亦早枯易得還易失默識乘
除機處滿須防溢歲寒然後知松柏正是此意

戒趨附

美新歎

樂府之一詠 莽大夫楊雄

明 李東陽

小學弦歌

卷七戒躁進

古

三九廿三

明

昭陽禍水噴火滅賊莽勢熾哀平折宮中臘日椒酒芳
金縢策祕符命昌漢家老婦不姓呂猶握漢符爲漢主
遺民獨有冀勝存餓死不入新都門美新大夫那肯死
元是五侯門下史

讀史二十首

本朝 趙翼

放翁一代才落筆見瑰異從軍陝蜀閒不忘恢復志如
何一著錯輕作南園記後邨劉潛夫學殖最淵懿彈劾
史嵩之鯁直無所避晚爲賈相出亦遂滋物議二公著
述材身擅不朽事豈藉權貴力推挽助聲氣然此事後

觀當時見則未不覺一念移遂爲終身累始知勢要場
自守良不易內重外乃輕此際須道義

偶得

趙翼

袞袞趨勢徒乞憐權貴側上壽千黃金修費雙白壁猶
恐未得當屏息伺顏色一笑非常榮偶佛終夜感使其
將此心事親供子職但須十一二大孝已莫及何爲舍
所生去徇勢炎赫所得能幾何奴顏婢其膝

古風

趙翼

公卿視寒士卑卑不足算豈知漏一盡氣燄隨烟散翻

小學弦歌

卷七戒趨附

五

三才

五

藉寒士力姓名見豪翰使其早知此敢以勢位慢士也
而早知亦可自傲岸胡爲交失之各就目睫看此則工
囁嚅彼則雄顧盼堪笑一雲泥誤此兩癡漢

戒侈靡

傷宅

秦中吟十
首之一

唐

白居易

誰家起甲第朱門大道邊豐屋中櫛比高牆外迴環纍
纍六七堂棟宇相連延一堂費百萬鬱鬱起青煙洞房
溫且清寒暑不能干高堂虛且迴坐臥見南山繞廊紫
藤架夾砌紅藥欄攀枝摘櫻桃帶花移牡丹主人此中

坐十載爲大官。厨有臭。敗肉庫有貫。朽錢誰能將。我語問汝骨肉閒。豈無貧賤者。忍不救飢寒。如何奉一身。直欲保千年。不見馬家宅。今作奉誠園。

輕肥

秦中吟十首之一

白居易

意氣驕滿路。鞍馬光照塵。借問何爲者。人稱是內臣。朱紱皆大夫。紫綬或將軍。誇赴中軍宴。走馬去如雲。樽罍溢九醞。水陸羅八珍。果擘洞庭橘。膾切天池鱗。食飽心自若。酒酣氣益振。是歲江南旱。衢州人食人。

歌舞

秦中吟十首之一

白居易

小學弦歌

卷七 戒侈靡

六

三十九

五

秦城歲云暮。大雪滿皇州。雪中退朝者。朱紫盡公侯。貴有風雲興。富無飢寒憂。所營爲第宅。所務在追遊。先門車馬客。紅燭歌舞樓。飲酣促密坐。醉暖脫重裘。秋官爲主人。廷尉居上頭。日中爲一樂。夜半不能休。豈知闔鄉獄中有凍死囚。

買花

秦中吟十首之一

白居易

帝城春欲暮。喧喧車馬度。共道牡丹時。相隨買花去。貴賤無常價。酬直看花數。灼灼百朵紅。萋萋五束素。上張幄幙庇。旁織笆籬護。水灑復泥封。移來色如故。家家習

爲俗人人迷不悟有一田舍翁偶來買花處低頭獨長
嘆此嘆無人喻一叢深色花十戶中人賦

鄭櫻桃歌

李頎

石季龍擅雄豪美人姓鄭名櫻桃櫻桃美顏香且澤娥
娥侍寢專宮掖後庭卷衣三萬人翠眉清鏡不得親宮
軍女騎一千匹繁花照耀漳河春織成花映紅綸巾紅
旗挈曳鹵簿新鳴鼙走馬接飛鳥銅駝瑟瑟隨去塵鳳
陽重門如意館百尺金梯倚銀漢自言富貴不可量女
爲公主男爲王赤花雙簾珊瑚牀盤龍斗帳琥珀光淫
小學弦歌

卷七戒侈靡

七

安

昏僞位神所惡滅石者陵終不悟鄴城蒼蒼白露微世
事翻覆黃雲飛

詠史

李商隱

歷覽前賢國與家成由勤儉破由奢何須琥珀方爲枕
豈必珍珠始是車運去不逢青海馬力窮難拔蜀山蛇
幾人曾預南薰曲終古蒼梧哭翠華

富貴曲

五代鄭遨

美人梳洗時滿頭閒珠翠豈知兩片雲帶卻幾鄉稅

韓家府

弔韓侂胄

宋劉淮

寶蓮山下韓家府鬱鬱沈沈深幾許主人飛頭去和虜
綠戶雕窗鎖風雨九世卿家一朝覆太師之誅魏公辱
後車不信有前車突兀眼前看此屋

葛嶺弔賈秋壑

湯仲友

檀板歌殘陌上花過牆荆棘刺簷牙指揮已失鐵如意
賜子甯存玉辟邪敗屋春歸無主燕廢池雨產在官蛙
木棉巷外尤愁絕月黑更深聞鬼車

過故將軍第

明高啟

甲第如雲紫陌東當年得意赴邊功美人笑客登樓上
小學弦歌

卷七 戒侈靡

文

三九卅
又五十七

杏之

假子將兵衛閣中深計謾誇三窟固遊魂難返九原空
門前車馬今誰到零落槐花向晚風

華屋歎

本朝李國梁

臥龍山下誰家宅樓閣連雲高百尺陰陰喬木掩雙扉
翠竹敲斜粉牆白牆邊老人向我語此宅曾經三易主
當年結構費千金文杏爲梁枅作柱其中池館最幽閒
割取眞山當假山風牽弱柳侵窗碧鳥蹴飛花綴砌斑
朝朝暮暮歡不已誰知盛衰旋相倚家籍人亡可奈何
一朝更作尙書里珠簾翠幙復輝煌慢舞凝歌樂未央

玉簫吹徹層臺月。金鴨燒殘繡闥香。據門豪僕猛於虎。
手把雕籠教鸚鵡。公子公孫盡慨慷。黃金揮擲如泥土。
尙書死後二十年。滄海漸漸成桑田。冠裳凋落繁華歇。
朱履賓朋散似煙。從此蕭條日復日。子孫無力重修葺。
鴛瓦飄零畫棟頽。鷓鴣夜作人聲泣。花落花開空好春。
苔痕滿壁總傷神。參差亂石堆芳沼。十二闌干毀作薪。
不堪凍餒雙眉皺。有人更把千金購。回首從前總惘然。
風光今日還依舊。我聞此言長太息。世事紛紜安可測。
君不見蓬萊宮闕對南山。數傳亦爲他人得。

小學弦歌

卷七 戒侈靡

五

二十八

杏

戒殘忍

長平行

明 王世貞

世間怪事那有此。四十萬人同日死。白骨高於太行雪。
血飛併作汾流紫。銳頭豎子何足云。汝曹自死平原君。
烏鴉飽宿鬼車哭。至今此地多愁雲。耕農往往誇遺迹。
戰鏃千年土花碧。卽今方朔澆豈散。縱有巫咸招不得。
君不見新安一夜行人愁。二十萬鬼聲啾啾。郭開賣趙。
趙高出秦璽。忽送東諸侯。

說出天道好還使贖武者知戒

詠史

本朝

沈德潛

白起阬趙卒身首亦分離。蒙恬制險塞，兄弟遭誅夷。王翦滅六國，三世禍隨之。此曹殉功名，斬刈無不爲。功名雖倖成，天道詎可欺。積凶有餘殃，古聖秉良規。殺人實自殺，推刃復何悲。

題黃氏秦論後

歐陽基文

趙卒阬天下，怒秦卒阬天下。喜趙民，何德秦？何罪怨，毒於人誠甚耳。王氏將項燕死，王離虜項氏起，殺人父者報其子，天道好還。乃如此山鬼來，祖龍逝，天下事可知矣。籍也季也，生何遲，惜不及身誅。賈兒遂令四海騰沸，萬姓糜靡流毒三十有六。桴嗚乎！人間得失須臾，期滅秦者秦。豈知當時威力空爾爲。

猛虎行

朱樟

有虎有虎，眈眈視不坐。箐林占平地，制人先獲百步威。咆哮自矜爪牙利，亂草從風怒作聲。眾獸低頭皆喪氣，嗟爾獵戶竟何爲。披髮鬼佺敢用事，哀哉鬼佺何其愚。結草抗杜，明區區爾仇在側，忍勿報。始信虎佺多懦夫，但使爾輩不用命。虎空有皮，人有弃。一朝貫滿，渙其羣。橫死原非虎爲政，幽林日薄秋風哀。招爾佺魂歸去來。

小學苙歌

卷七 戒殘忍

子

鬼燈四散。髑髏哭。明日山家賣虎肉。

哀東獄

有序

金植

予嘗過山東州縣。稔聞獄卒率以牒版拘囚人於夜。終夕不令轉側。罪之輕重弗論也。因作哀

東獄篇

哀東獄。獄卒很。纍囚一入成齋。粉東獄法。版爲牒。夜夜牒人儼。羅剎爾罪輕。爾罪重。總加牒版。僵難動。獄卒怒。囚穀觶。上天下地。兩局促。始信人間有地獄。古人拘罪爲犴牢。但嚴守視。圜牆高。獄卒夜臥。圖逍遙。動輒藉口小學。玄歌。

卷七 戒殘忍

三

防逋逃。嗚呼獄卒。藉口防逋逃。不聞獄中夜半聲。嗷嗷

猛虎行

楊先鐸

堂上尊官猛如虎。堂下小民弱如鼠。官惟養虎不養民。虎常食肉民常貧。况乃縱虎來食人。泰山之哭胡不聞。前途陷阱不可越。虎兮虎兮防一蹶。

猛虎行

郁植

猛虎突出勢恆怒。不住深山踞當路。風高月黑聞嘯聲。四野行人盡回步。一虎之猛尙可當羣狐。假竊牙爪張。豈無壯士欲手搏。出門四顧心徬徨。眈眈爾威誰養就。

昔猶昏暮。今白晝。瞋目從教。凡獸驚肥身。那管飢民瘦。
虎兮虎兮。知懼無。灞陵亭下。秋草枯。飛將猝發。金僕姑。
石猶飲羽。况爾乎。詩家比體深。得懲惡之旨。

戒奸險

贈賈似道

宋葉李

葉李以直言忤賈似道。竄漳州。及似道敗。安置循州。至泉州。洛陽橋李適放還。遇於客邸。李作此贈之。

君來路我歸路。來來去去。何時住。公田關子。竟何如。國

事當時誰汝誤。雷州戶崖州戶。人生會有相逢處。客中

小學弦歌

卷七 戒奸險

三

頗恨乏蒸羊。聊贈一篇長短句。

腹中劍樂府之一

明李東陽

唐李林甫爲相。凡勢位逼己者。必百計中傷之。或陽與之善。啗以甘言。而陰加陷害。世謂林甫口有蜜。腹有劍。嘗一夕十徒牀。雖家人不知其處。

腹中劍。中自操。一日不試。中怒號。搆讎結怨。身焉逃。一

夜十徒。甘爲勞。生無遺憂。死餘恨。恨不作七十二家藏

山坳。

千歲公明史樂府之一

本朝尤侗

焦芳門下士。劉瑾千歲公。是父是子。有黃中。父子聚麀。

亂牀第更將曲筆穢信史掘其墓焚其里縛其衣冠磔其體千秋快賊趙風子

焦芳泌陽人父事魏忠賢凡忠賢之惡皆芳等成之也崇禎末流賊破泌陽有掘墓磔屍之舉人爭快之

鈐山堂

明史樂府之一

尤侗

介溪讀書鈐山堂文章聲譽傾西江惜哉彥回本名士何不官止中書郎六十以後方入相二十餘年恣狼伉下場還我窮秀才養濟院中猶無恙泰山冰山安在哉萬年遺臭骨一堆侂胄幸免玉津戮秋壑終向木棉埋滿朝彈章不能死卻斃仙鸞書一紙君不見宮中有怪小學弦歌

卷七戒好險

三

明

其嚴乎十目所視十手指

嚴嵩籍沒時曰還我窮秀才去也寄食養濟院以死初方士藍道行以扶鸞得幸上密問輔臣賢否乃具發嵩好狀上曰上帝胡不殛之曰留待皇帝正法上默然宮中嘗有怪十手十目人誦之王世貞曰此出大學尙不知耶

東樓曲

明史樂府之一

尤侗

宣和蔡京有蔡攸嘉靖嚴嵩有東樓自古亂臣生逆子猶如鴟鴞產鵠鷗嘗聞堂中鎖酒客又見榻下積淫籌獠犬狂易吠不休更助爪牙羅與牛趙家鄢家兩義兒脅肩搖尾甘爲之懋卿方算天下筴文華再視海上師

綵輿十二昇。豔婦鐵騎三千喪。醜倭羣姦相噉。一邱貉可憐。忠良日誅削。太阿倒持柄旁落。天子游仙坐齋閣。嚴世蕃以門客羅文龍等為爪牙。趙文華鄢懋卿傾心諂附之。懋卿總理鹽政。其拔部與妻偕行。製五綵輿。令十二女子昇之。趙文華督視海防。攘功諱敗。黷貨無厭。皆嵩世蕃庇之也。

逐新鄭

明史樂府之一

尤侗

華亭去分宜。江陵逐新鄭。賢否雖懸殊。門戶總同躡。主少國疑賴。元老一去一留由。馮保宰相跟。踰出午門先。皇顧命寒秋。草大臣獄起重。驚倒可憐身。沒無遺表。夫入涕泣致相公。敬為先矢獻微寶。富貴何嘗忽。易人江小學。苴歌

卷七戒好險

孟 卅九 五

軋死姚崇。算生張說。

穆宗崩。高拱張居正並受顧命。大監馮保方用事。拱與居正謀去之。居正陰泄於保。遂傳旨逐拱。卽日出朝。門跟踰而去。亡何有無鬚男子袖刀入乾清門。執之。自稱王大臣。保欲借以傾高氏。令供高閣老怨望。使來行刺。當會鞠。保問誰主使。大臣曰。爾使我。何曾識高閣老。保懼。密飲以生漆酒。瘖之。拱竟以驚悸卒。其妻袁生前寶玩獻居正。曰。此先夫遺念也。居正惻然事得解。

趙高傳

明史樂府之一

尤侗

委鬼當頭坐。茄花滿地紅。趙燒曹節竟私通。千歲太太配公公。月華門前車鬪風。涿州道上馬游龍。內操撻鼓。

鳴刀弓。狂狴流血。朝班空。祠堂昭德。兼崇功。乾兒義子。
多如蟲。讀史至此。惟三歎。殆哉岌岌。將作難。滿朝彈章。
君不見。中宮獨看趙高傳。

委鬼謂忠賢。茄謂客氏。北人讀客爲茄。二語本萬曆時童謠。嘉宗一日幸張后宮。顧几上問何書。后曰趙高傳也。上默然。

鐵人行

徐昌

鄂王杯土千秋高。冕旒像設人中豪。何年鑄此三尺鐵。
墓下長跼羅奸曹。岳軍才向黃龍指。和議先忘君父恥。
獄成三字太狡橫。忍使忠良冤抑死。滔天罪案逃天誅。
使爾身後同囚奴。行人過之盡唾罵。瓦石搏擊無完軀。
縛虎縱虎計何密。恨弗生擒拔其舌。窮奇骨朽蕩飛塵。
祇見神姦不見鐵。我聞金人十二環。秦宮又聞銅駝淚。
落哀秋風蒙兮鐵兮。竟累汝蒙被首惡形模工。

魏忠賢衣冠墓

王頊齡

熹宗之朝閣寺亂。不數宏恭與石顯。門下誰非謁者兒。
朝中半作貂璫犬。吁嗟氣勢真回天。茄花委鬼相鉤連。
楊左諸賢一網盡。鎮撫獄底屍駢肩。門生天子差彷彿。
張父趙母何茫然。紛紛祠額徧寰宇。賜塋特勅營生前。

小學弦歌

卷七 戒奸險

五

二九五十二

杏

將作起家同祈連。眾恩門闕踰董賢。一朝冰山忽傾倒。凶骨不得歸三泉。摩挲碧雲舊碑碣。忠賢姓氏猶高揭。侯覽當時既伏誅。衣冠誰使留空穴。安得雷火一夜仆。此碑更倩龍湫之水洗。羶羯山靈面目還清潔。此詩成於張侍御奏請削平之前故望水火燒除洗滌之

鈴山行

金志章

鈴山四繞青谿。衒袁江一綫盤。修蛇東西峽口兩洪東。縣城中裏如蓮花。此邦何人昔最著。豪貴屈指推嚴家。早年登第競名譽。追逐何李矜浮華。歸來築室此山頂。

小學弦歌

卷七 戒奸險

三

三

杏

圖史枕菲。旁人誇青詞。晚歲博金鉉。萬事橫決如搏沙。文章不掩孔雀毒。膝下豺虎兼婁。緞讀書不識忠孝字。廿年辛苦何爲耶。立身一敗愧鄉里。至今齒冷千秋譁。清江六月晚燒霞。長橋終古緣城斜。薰天之勢竟安在。徒令弔古興咨嗟。文章不掩孔雀毒。姦佞之人雖有才華。莫能蓋也。讀書不識忠孝字。令閱者悚然。

戒暴斂

流民歎

明 彭友信

凍雲黯黯天四垂。流民隊隊傷化離。老者前行牽黃犢。

壯者荷擔。籃挑兒。擔頭兒。號寒。擔後妻。唬飢。不于。蹠。跚。寸步。移少。婦背。囊手。捲席。老媪。攜孫。淚沾。臆。問之。何鄉。流徙。民欲。訴不。訴聲。哽噎。但云。家近。禾川。城。世代。耕種。爲良。氓。年來。吏胥。弄刀。筆。蠶食。黎庶。欺朝廷。自從。歸附。覈田。額。虛報。官田。十作。百年。年。糴米。輸遠。倉。軍賦。日增。田日。窄。隨糧。銅。隨糧。錫。隨糧。棉花。隨糧。鐵。隨糧。軍。襖。與。棉。裙。冬。布。未了。春。布。迫。可。憐。辛。苦。剜。瘡。肉。寸。寸。皆。入。官。家。籍。鋤。頭。打。釘。成。官。船。官。船。僅。成。農。器。捐。家。鄉。何。忍。離。漂。泊。豈。所。欲。官。賦。日。益。繁。民。生。日。益。蹙。昨。朝。又。有。文。書。小。學。弦。歌。

卷七 戒暴斂

三

五十一
又八十八
安

來再造。戰船派官。木率土皆王土。一民皆王民。聖恩非不寬。牧宰非不仁。吏弊未曾革。典史嚴法刑。傳道湖南多荒墜。開荒三載。無科徵。忍拋牆屋。棄鄉土。逐歲逐日逃。此生。明初江浙賦最重。蓋誤以賈似道官田租冊爲糧額。又開國時太祖恨吳民爲張士誠城守。故特重其賦也。然流毒已至此矣。

催租行

本朝金蓉

東鄰野老。慘不樂。狀如紇干山頭雀。飢來乞食走荒村。逢人欲語聲先吞。云自三秋黑。螟舞田禾。漂沒偃黃土。上官連章報。有秋縣吏徵。租來番。休斯時。出愁亦入愁。

朝行北山麓。暮宿南陌頭。阿婦已填溝壑死。阿女遠隨
估客舟。家有黃口兒。不知今在不。仰天一痛雙淚流。悲
風蕭蕭起。長楸君不見。官衙對雪張高宴。里胥持牒下
鄉縣。

催租行

朱樟

租催吏不出村。手持官票夜捉人。今年官糧去年欠。不
待二麥田頭春。衙鼓三聲上堂坐。又發雷簽急於火。新
糧半待舊糧催。前差未去後差來。男呻女吟百無計。數
錢先償草鞋費。剜肉徒充隸蠹肥。醫瘡豈爲農夫計。誰
小學弦歌

卷七戒暴斂

天

三十八歲
六十三安

憐禾黍被風吹。秋稻無收官不知。官不知誰與說。短袖
貧兒仰天泣。不求按畝踰荒田。只望緩征鉤縣帖。春來
雨水皆及時。青桑吐葉無附枝。蠶山落繭車有絲。不怕
官庫堆錢遲。東鄰白頭嫗起早。黃口小兒嘔不飽。無錢
能買爪牙威。七十老翁拏過卯。

杭州比糧日
謂之過卯

戒黷武

戰城南

唐李白

去年戰桑乾源。今年戰蔥河道。洗兵條海上。波放馬
天山。雪中草萬里長。征戰三軍盡衰老。匈奴以殺戮爲

耕作古來惟見白骨黃沙田秦家築城備胡處漢家還
有烽火然烽火然不息征戰無已時野戰格鬥死敗馬
鳴號向天悲烏鳶啄人腸銜飛上挂枯樹枝士卒塗草
莽將軍空爾爲乃知兵者是凶器聖人不得已而用之

兵車行

唐
杜甫

車麟馬蕭蕭行人弓箭各在腰爺孃妻子走相送塵
埃不見咸陽橋牽衣頓足攔道哭哭聲直上干雲霄道
旁過者問行人行人但云點行頻或從十五北防河便
至四十四營田去時里正與裏頭歸來頭白還戍邊邊
庭流血成海水武皇開邊意未已君不見漢家山東二
百州千村萬落生荆杞縱有健婦把鋤犁禾生隴畝無
東西况復秦兵耐苦戰被驅不異犬與雞長者雖有問
役夫敢伸恨且如今年冬未休關西卒縣官急索租租
稅從何出信知生男惡反是生女好生女猶得嫁比鄰
生男埋歿骨百草君不見青海頭古來白骨無人收新
鬼煩冤舊鬼哭天陰雨溼聲啾啾

小學苑歌

卷七戒黷武

元一
明五

新安吏

杜甫

客行新安道喧呼聞點兵借問新安吏縣小更無丁府

帖昨夜下次選中男行中男絕短小何以守王城肥男
有母送瘦男獨伶俜白水暮東流青山猶哭聲莫自使
眼枯收汝淚縱橫眼枯卽見骨天地終無情我軍取相
州日夕望其平豈意賊難料歸軍星散營就糧近故壘
練卒依舊京掘壕不到水牧馬役亦輕况乃王師順撫
養甚分明送行勿泣血僕射如父兄僕射謂郭子儀

潼關吏

杜甫

士卒何草草築城潼關道大城鐵不如小城萬丈餘借
問潼關吏修關還備胡要我下馬行爲我指山隅連雲
小學弦歌卷七戒贖武辛二年三月明
列戰格飛鳥不能踰敵來但自守豈復憂西都丈人視
要處窄狹容單車艱難奮長戟萬古用一夫哀哉桃林
戰百萬化爲魚請囑防關將慎勿學歌舒

石壕吏

杜甫

暮投石壕村有吏夜捉人老翁踰牆走老婦出門看吏
呼一何怒婦噉一何苦聽婦前致詞三男鄴城戍一男
附書至二男新戰死存者且偷生死者長已矣室中更
無人唯有乳下孫有孫母未去出入無完裘老嫗力雖
衰請從吏夜歸急應河陽役猶得備晨炊夜久語聲絕

如聞泣幽咽天明登前途獨與老翁別
目擊其事耳聞其辭故能言之

沈痛
乃爾
新豐折臂翁 戒邊功也 白居易

新豐老人八十八頭鬢鬢眉皆似雪元孫扶向店前行
左臂憑肩右臂折問翁折臂來幾年兼問致折何因緣
翁云貫屬新豐縣生逢聖代無征戰慣聽黎園絲竹聲
不識旗槍與弓箭無何天寶大徵兵戶有三丁點一丁
點得驅將何處去五月萬里雲南行聞道雲南有瀘水
椒花落時瘴煙起大軍徒涉水如湯未過十人二三死
村南村北哭聲哀兒別爺娘夫別妻皆云前後征蠻者
千萬人行無一回是時翁年二十四兵部牒中有名字
夜深不敢使人知偷將大石鎚折臂張弓簸旗俱不堪
從茲始免征雲南骨碎筋傷非不苦且圖揀退歸鄉土
此臂折來六十年一肢雖廢一身全至今風雨陰寒夜
直到天明痛不眠痛不眠終不悔且喜老人今獨在不
然當時瀘水頭身死魂飛骨不收應作雲南望鄉鬼萬
人冢上哭呦呦老人言君聽取君不見開元宰相宋開
府不賞邊功防黷武又不聞天寶宰相楊國忠欲邀恩

小學弦歌

卷七 戒黷武

三

三三七八五
二四七七安

幸立邊功邊功未立生民怨請問新豐折臂翁

隴西行

陳陶

誓掃匈奴不計身五千貂錦喪胡塵可憐無定河邊骨
猶是春閨夢裏人

我聞此語
心骨悲

感事

曹松

澤國江山入戰圖生民何計樂樵蘇憑君莫話封侯事
一將功成萬骨枯

詠長城

汪遵

秦築長城比鐵牢蕃戎不敢過臨洮雖然萬里連雲際
小學弦歌

卷七戒驥武

三

三
七
九

安五

爭及堯階三尺高

塞下曲

許渾

夜戰桑乾雪秦朝半不歸朝來有鄉信猶自寄寒衣

與可

陳陶隴西
行相證

弔萬人冢

五代

張蠊

兵罷淮南客路通亂鴉來去噪寒空可憐白骨攢孤冢
盡為將軍集戰功

詠史

宋

劉攽

自古邊功緣底事多緣嬖倖欲封侯不如直與黃金印

惜取沙場萬鬪饑

此詩蓋指當時王韶李憲輩耳

塞下曲

明高啟

日落五原塞。蕭條亭堠空。漢家討狂虜。籍沒滿山東。去年出飛狐。今年出雲中。得地不足耕。殺人以為功。登高望衰草。感歎意何窮。

為千古開邊者垂戒

土兵行

李夢陽

贛州賊作亂都御史陳金奏調廣西狼兵征之故作此詩

豫章城頭雞啄烏。黃狐跳跟追赤狐。北風北來江怒涌。土兵攫人人。叫呼城外之人徙。城內塵埃不見章。江塗

小學弦歌

卷七 城隍武

重

三五十一

小五

花裙蠻奴逐婦女。白奪釵釧換酒沽。父老向前語蠻奴。慎勿橫行王法誅。華林桃源諸賊徒。金帛子女山不如。汝能破之惟汝欲。犒賞有酒牛羊豬。大者陞官佩綬趨。蠻奴怒言萬里入。汝都汝生我生。屠我屠勁弓毒矢莫。敢何意氣似欲無。彭湖彭湖翩翩飄白旗。輕舸背水陸走車。黃雲卷地春草死。烈火誰分瓦與珠。寒崖日月豈盡照。大邦魑魅難久居。天下有道四夷守。此輩可使亦可虞。何況土官妻妾俱美酒。大肉吹笙竽。

楊用修云只以謠諑近語

入詩史而古不可及

結出正論少陵亦云此輩少為貴也

送陳子出塞

李夢陽

朝飲馬夕飲馬水鹹草枯馬不食行人痛哭長城下
城中白骨借問誰云是今年築城者但道辭家別六親
甯知九死無還身不惜身為城下土所恨功成賞別人
去年賊掠開城縣黑山血并單于箭萬里黃塵哭震天
城門書閉無人戰今年下令修築邊丁夫半死長城前
城南城北秋草白愁雲日暮鳴胡鞭

弔戰場

本朝 譚吉璫

祈連山下草寂寞少人煙魂魄千年後還思度酒泉

小學弦歌

卷七 戒贖武

言

三十四七
丁亥七七
小五

鬼不忘歸也與無定
河邊骨同一苦語

戒求仙

海漫漫

戒求仙也

唐

白居易

海漫漫直下無底旁無邊雲濤煙浪最深處人傳中有
三神山山上多生不死藥服之羽化為天仙秦皇漢武
信此語方士年年采藥去蓬萊今古但聞名煙水茫茫
無覓處海漫漫風浩浩眼穿不見蓬萊島不見蓬萊不
敢歸童男艸女舟中老徐福文成多誑誕上元太乙虛
祈禱君看驪山頂上茂陵頭畢竟悲風吹蔓草何况元

元聖祖五千言不言藥不言仙不言白日昇青天

文成死樂府之一

明李東陽

漢武帝時齊人少翁以鬼神方見上拜文成將軍旋坐欺僞誅之諱言食馬肝而死

文成封五利封神仙只在東海東文成死五利死天下

神仙皆妄耳漢家武帝者英昔何惜矣今何明君不

見百年身萬年計前秦皇後唐帝唐憲宗穆宗並以服金丹而殂

長生藥明史樂府之一

本朝尤侗

五利戮文成死致一真人上天去復有紫府神霄兩高

士天子齋居日夜禱祠相公直宿爭獻青詞赭衣半道

小學弦歌

卷七戒求仙

三

斷首滿稽殺人媚天修園何爲四十五年元氣斲王金

方進長生藥

致一真人邵元節神霄高士陶仲文紫霄高士段朝用又鄆縣方士王金於嘉靖四十一年進靈芝五色龜命煉長生藥

經史法戒詩十首之一

張鵬翀

神仙有無何恍惚黃帝廣成但傳說秦皇漢武慕長生

方士怪迂始百出安期盧敖去不來文成五利徒喧逐

神君未下鬼先集世上烏有神仙哉蓬萊可望不可即

但願人人足衣食昇平樂過華胥國

祖龍引

朱瑄

徐市樓船竟不還。祖龍旋已葬驪山。瓊田儻致長生草。
眼見諸侯盡入關。祖龍有知當亦齒冷

詠古

闕名

服藥求長生。莫如孤竹子。一食西山薇。萬古長不死。

小學弦歌

卷七 戒求仙

美

七十七
廿九

小學弦歌卷七終

小學弦歌卷八

廣勸戒

旱甚見權門移芍藥

唐呂溫

綠原青隴漸成塵，汲井開園日日新。四月帶花移芍藥，不知愛國是何人。

贈夜客

李涉

涉嘗過九江，遇盜問何人，從者曰：李博士。其酋曰：若是李涉博士，不用剽奪，請賦一詩。涉題此絕贈之，盜因而改行。

暮雨蕭蕭江上村，綠林豪客夜知聞。他時不用相迴避，

小學弦歌

卷八廣勸戒

一字二百八十九，玉點九十八

世上如今半是君。

放言

四首

白居易

朝真暮偽何人辨，古往今來底事無。但愛莊生能作聖，可知甯子解佯愚。草螢有耀終非火，荷露雖團豈是珠。不取燔柴兼照乘，可憐光彩亦何殊。

世途倚伏都無定，塵網牽纏卒未休。禍福迴環車轉轂，榮枯反覆手藏鉤。龜靈未免剝腸患，馬失應無折足憂。不信君看弈棋者，輸贏須待局終頭。

贈君一法絕狐疑，不用鑽龜與祝蓍。試玉要燒三日滿，

真玉燒三日不熱。辨材須待七年期。豫章木生七年而後知。周公恐懼流

言曰王莽謙恭下士時向使當時身便死兩人真偽有

誰知

誰家第宅成還破何處親賓哭復歌昨日屋頭堪炙手

今朝門外好張羅北邙未省畱閒地東海何曾有定波

莫笑賤貧誇富貴共成枯骨兩如何

有木詩 并序

白居易

余嘗讀漢書列傳見佞順媵嬰圖身忘國如張

禹輩者見惑上盡下交亂君親如江充輩者見

小學莛歌

卷八廣勸戒

二 字三百卅八 点九十七

昌王

暴很跋扈壅君樹黨如梁冀輩者見色仁行違

先德後賊如王莽輩者又見外狀恢宏中無實

用者又見附離權勢隨之覆亡者其初皆有動

人之才足以惑眾媚主莫不合於始而敗於終

也因引風人騷人之興賦有木八章不獨諷前

人亦倣後代爾

有木名弱柳結根近清池風煙借顏色雨露助華滋

峩白雪毛嫋嫋青絲枝漸密陰自庇轉高梢四垂截枝

扶為杖軟弱不自持折條用樊圃柔脆非其宜為樹信

可翫論材何所施可惜金堤地栽之徒爾為此比柔順嬾要如張

商輩者

有木名櫻桃得地早滋茂葉密獨承日花繁偏受露迎

風闌搖動引鳥自來去鳥啄子難成風來枝莫住低輒

易攀翫佳人屢迴顧色求桃李饒心向松筠妬好是映

牆花本非當軒樹所以姓蕭人曾為伐櫻賦此猶前首之意

有木秋不凋青青在江北謂是洞庭橘美人自移植上

受顧盼恩下勤澆溉力實成乃是枳臭苦不堪食物有

似是者真偽何由識美人默無言對之長歎息中含害

小學弦歌

卷八廣勸戒

三 三百五十九 一百七十二

物意外矯凌霜色仍向枝葉間潛生刺如棘此比色取行違如王

莽輩者

有木名杜梨陰森覆邱壑心蠹已空朽根深尚盤薄媚

狐言語巧妖鳥聲音惡憑此為巢穴往來互棲託四旁

五六本枝葉相交錯借問因何生秋風吹子落為長社

壇下無人敢芟斲幾度野火來風迴燒不著此比或亂君親如江

充輩者

有水香苒苒山頭生一發主人不知名移種近軒闈愛

其有芳味因以調麴蘖前後曾飲者十人無一活豈徒

悔封植兼亦誤采掇試問識藥人始知名野葛年深已
滋蔓刀斧不可伐何時猛風來爲我連枝拔此比跋扈
樹黨如梁

有木名水榿遠望青童童根株非勁挺柯葉多蒙籠彩

翠色如柏鱗皴皮似松爲同松柏類得列嘉樹中枝弱

不勝雪勢高常懼風雪壓低還舉風吹西復東柔芳甚

楊柳早落先梧桐惟有一堪賞中心無蠹蟲此比外狀
恢宏中無

實用者

有木名凌霄擢秀非孤標偶依一株樹遂抽百尺條託

小學弦歌

卷八廣勸戒

四

三百六十五
一百七十一
昌

根附樹身開花寄樹梢自謂得其勢無因有動搖一旦

樹摧倒獨立慙飄颻疾風從東起吹折不終朝朝爲拂

雲花暮爲委地樵寄言立身者勿學柔弱苗此比依附
權勢隨之

覆亡者

有木名丹桂四時香馥馥花團夜雪明葉翦春雲綠風

影清似水霜枝冷如玉獨占小山幽不容凡鳥宿匠人

愛芳直裁截爲夏屋榦細力未成用之君自速重任雖

太過直心終不曲縱非梁棟材猶勝尋常木此作者自
喻

篇多以此興出之近人詩則有賦而無比興矣此等詩所以足資勸戒也

白雲泉

白居易

天平山上白雲泉。雲自無心水自閑。何必奔流山下去。又添波浪在人間。

小松

杜荀鶴

自小刺頭深草裏。而今漸覺出蓬蒿。時人不識凌雲幹。直待凌雲始道高。千里馬常有伯樂不常有也噫

聞子規

杜荀鶴

楚天空闊月成輪。蜀魄聲聲似告人。啼到血流無用處。不如緘口過殘春。按此即不可則止之意。言近而指遠也。

小學弦歌

卷八廣勸戒

五

二百六十九十一

文

春來燕

杜荀鶴

我屋汝嫌低不住。雕梁畫閣儘知寬。也須穩擇安巢處。莫道巢成卻不安。

燕

王穀

海燕雙飛意若何。曲梁咽啞語聲多。茅簷不必嫌卑陋。猶勝吳宮燕爾窠。與杜荀鶴詩相發明

春遊

羅鄴

芳草如茵處處青。閒門要地一時生。年來檢點人間事。惟有春風不世情。

小松

羅隱

已有清陰逼座隅。聽濤仙客肯過無。陵遷谷變須高節。莫向人間作大夫。

蜂

羅隱

不論平地與山尖。無限風光盡被占。採得百花成蜜後。為誰辛苦為誰甜。

讀秦紀

羅隱

長策東鞭及海隅。鼉鼉奔走鬼神趨。憐君未到沙邱日。肯信人間有死無。

小學弦歌

卷八廣勸戒

六

二百五十九十二之

王濬墓

羅隱

男兒未必盡英雄。但到時來卽命通。若使吳都猶王氣。將軍何處立奇功。優孟得時皆上客英雄見慣亦常人正與此同意

詠鸚鵡

羅隱

莫恨雕籠翠羽殘。江南地暖隴西寒。勸君不用分明語。語得分明出轉難。亂之生也言語以為階卽小可以喻大

下第作

張喬

每到花時恨道窮。一生知遇半成空。只因抱璞非良玉。豈得人人欠至公。不怨人而自怨厚之至也

下第後上高侍郎

高蟾

天上碧桃和露種，日邊紅杏倚雲栽。芙蓉生在秋江上，不向東風怨未開。
存得此心化悲憤爲和平矣

寒食

僧雲表

寒食悲看郭外春，野田無處不傷神。平原粲粲添新冢，半是去年來哭人。

清明卽事

張繼

耕夫召募逐樓船，春草青青萬頃田。試上吳門窺郡郭，清明幾處有新煙。

小學弦歌

卷八廣勸戒

七

子蘭

杜章

鸚鵡

子蘭

終日無悖但憶歸，翠毛丹背乍教時。近來偷解人言語，亂向金籠說是非。
可與青蠅詩並讀

觀鬪雞

韓偓

何曾解報稻梁恩，金距花冠氣遏雲。白日梟鳴無意問，惟將介羽害同羣。

萬壽寺牡丹

翁承贊

爛漫香風引貴游，高僧移步亦遲留。可憐殿角長松色，不得王孫一舉頭。

詠芙蓉

五代張立

四十里城花發時。錦囊高下照坤維。雖妝蜀國三秋色。難入幽風七月詩。

廢宅

周濟

牢落畫堂空鎖塵。荒涼庭樹暗消春。豪家莫笑此中事。曾見此中人笑人。

誠是非

劉兼

巧舌如簧總莫聽。是非多自愛憎生。三人告母須投杼。百犬聞風已吠聲。辨玉且寬和氏罪。誣金須認不疑情。

小學弦歌

卷八廣勸戒

八

二〇五七
八十七
章

因思疇昔遊談者。六國交馳亦受烹。

詠松

宋李師中

半依崑岫倚雲端。獨上亭亭耐歲寒。一事頗爲清節累。秦時曾作大夫官。

與羅昭諫詩相印證

雲

郭震

聚散虛空去復還。野人閒處倚筇看。不知身是無根物。蔽月遮星作萬端。

此刺暴貴小人弄權者

十四夜望月

沐一龍

只隔中秋一夕閒。蟾光應未少清寒。時人不會盈虛意。

不到墨圓不肯看

此詩與邵康節美酒飲教微醉後好花看到半開時相發明

題鼎州甘泉寺

范諷

鼎州甘泉寺在官道旁寇萊公南遷日題東檻曰平仲酌泉經此回望北關黯然而行未幾丁晉公又過之題西檻曰謂之酌泉禮佛而去後公題此詩

平仲酌泉回北望謂之禮佛向南行煙嵐鎖門前路轉使高僧厭寵榮

天津感事吟

邵雍

水流任急性常靜花落雖頻意自閒不似世人忙裏老
生來未始得開顏

小學弦歌

卷八廣勸戒

九二十九春

詠牡丹

王溥

棗花最小能成實桑葉雖柔解作絲堪笑牡丹如斗大
不成一事又空枝

詠上竿伎

晏殊

百尺竿頭孌孌身足騰跟掛駭旁人漢陰有叟君知否
抱甕區區亦未貧

諷世人巧不如拙也

詠緣竿伎

曹翽

趙南仲以誅李全之功得遷擢及恢復事起分任邊務赴鎮日公餞有呈竿伎者恢服作此以勉之師卒不競

又被鑼聲送上竿者番難似舊時難勸君著腳須教穩
多少旁人冷眼看

題姚雪篷騎牛小照

趙東師

姚鏞以平寇功守章貢畫騎牛小照
趙題此以規之亡何果爲帥府所劾

騎牛無笠又無蓑斷隴橫岡到處過暖日暄風不常有
前村雨暗卻如何

詠鸚鵡

王安石

雲路何時兩翅翻玉籠金鎖祇煩冤不須強作人間語

舉世何人解語言作者自命過高
又另出一意

小學弦歌

卷八廣勸戒

十一
八十三
止

延平灘

倪思

長幾贛石三百里險過瞿塘十八灘幸有溪旁平穩路
何須欲速冒驚湍

詠蟬

陸元光

元光宰晉陵時州幕官有好讒謗同列者
一日聞蟬元光賦此詩其人爲之少戢

綠陰深處汝形藏風露從來是稻梁莫倚高枝縱繁響
也須回首顧螿螂

青雀詩寄張諫院

夏竦

英公罷相謫西都張昇知諫
院將劾之英公寄以詩遂止

弱羽傷弓尙未完。孤飛誰敢擬鷓鴣。明珠自有千金價。莫爲游人作彈丸。

憎蚊

徐端崇

時蔡京引用小人賦外橫索端崇託以規諷

空堂夜集勢如雲。溝壑隨知過去身。滿腹經營盡膏血。那知通夕不眠人。

曹娥碑

錢惟岳

曹娥廟貌樹豐碑。千古行人誦色絲。苦恨當年題八字。不旌賢孝只旌辭。

小學弦歌

卷八廣勸戒

十一

七百八
七十八
章

題畫

李唐

唐初至杭州人無知者有中貴識其畫曰此李待詔作也因奏聞之杭人爭寶其畫

雲裏煙村雨裏灘。看時容易作時難。早知不入時人眼。多買臙脂畫牡丹。

投岳侯

毛國英

岳忠武駐兵之處江禁甚嚴國英以此投之忠武曰詩人也委舟以渡之

鐵鎖沈沈截大江。風旗獵獵駐危樯。禹門縱使高千尺。放過蛟龍也不妨。

隴口作

郭浩

郭浩官都統制日行邊至隴口見紅白二鸚鵡
鳴樹間問上皇安否蓋隴州歲貢鸚鵡徽宗置
在安妃閣教以詩文宣和末使人發還本
土二鳥猶感念不忘也郭浩因作此詩

隴口山深草木荒行人到此斷肝腸耳中不忍聽鸚鵡
猶在枝頭說上皇凡忘恩背主者人而不
如鳥矣

試筆

羅適

金門突筆積如山黃閣磨煤夜不乾試借薦賢書稿看
應無一字及孤寒唐人句八百孤寒齊下淚一時回
首望崖州可見李贊皇正不易得

投韓太祝

李清臣

小學弦歌韓魏公知中山時清臣任見其姪吏報太祝
方寢乃作此詩魏公見而賞之遂妻以兄子
卷八廣勸戒

公子乘閒臥絳幘白衣老吏慢寒儒不知夢見周公否

曾說當時吐哺無

題釣臺

戴復古

萬事無心一釣竿三公不換此江山平生誤識劉文叔
惹起虛名滿世間

詠退筆

林逋

神功雖缺力終存架琢珊瑚欠策勳日暮閒窗何所似
灞陵憔悴故將軍

七夕

胡仔

乞巧。遙開玉露秋。一鉤涼月挂西樓。人間百巧方無奈。
寄語天孫好罷休。

雜詩

僧遇賢

揚子江頭浪最深。行人到此盡沈吟。他時若向無波處。
還似有波時。用心卽莫蹟於山而蹟於至之意

題松

僧維琳

師居銅山院有古松縣大夫將取以治麻師題此詩遂止不伐

大夫去作棟梁材。無復清陰覆綠苔。今夜月明風露冷。
誤他千歲鶴歸來。

小學弦歌

卷八 廣勸戒

三

五十八 杜山

絕句

夏元鼎

崆峒訪道至湘湖。萬卷詩書看轉愚。踏破鐵鞵無覓處。
得來全不費工夫。天下事皆作如是觀

鬻廬

宋氏

宋氏天台人賣宅於鄰賦此詩鄰人惻然遂以券還之并不索其直

自歎年來券骨貧。吾廬今已屬西鄰。殷勤說與東園柳。
他日相逢是路人。

絕句

徐守信

汲汲光陰似水流。隨時得過便須休。兒孫自有兒孫福。

莫與兒孫作馬牛

門外

黎師侯

門外黃塵尺許深。癡兒抵死競浮沈。誰知一寸茅簷日。天付閒人值萬金。

絕句

彭思永

爭利爭名日日新。滿城冠蓋九達塵。一聲雞唱千門曉。誰是高眠無事人。
即孟子雞鳴而起。孳孳為利之意。

蠅子透窗偈

僧守端

為愛尋光紙上鑽。不能透處幾多般。忽然撞著來時路。

小學弦歌

卷八 廣勸戒

十四

二五
八十七

山杜

始覺平時被眼瞞。
禪家悟境。即在箇中。

絕句

任大中

莫管流年一擲梭。花前對酒且高歌。命中若有終須有。到底無時不奈何。

口占

游道人

道人居豐州市中。每日醉臥道上。其言在可解。不可解之間。人以其游食謂之游道人。

門外何人喚老游。老游無事聽溪流。而今世路多荆棘。黃葉飛來怕打頭。

悟道詩

宋僧

鎮日尋春不見春，芒屨踏遍隴頭雲。歸來笑指梅花下，
春在枝頭已十分。此卽道在邇而求諸遠之意。

上荆公

宋人

荆公居金陵一日買魚放之門下士獻此詩公諷誦久之

浩蕩恩波活涸鱗，餘生應自感深仁。卻須自向池邊看，
今日誰非鄭校人。公知此則可不爲呂惠卿輩所愚。

題鸚鵡

宋人

高宗養一白鸚鵡，手自收放，懸以金牌。有士人繫詩牌上，帝見之泣，遂棄之。

鸚鵡高飛繞帝都，暮收朝放費工夫。何如養箇南來雁，

小學弦歌

卷八 廣勸戒

五

二八十六 八十二 杜章

沙漠能傳二帝書。

湖上

僧道潛

東坡去杭州道潛閉戶謝客，作此詩頗爲人所忌嫉。

去歲春風上苑行，爛窺紅紫厭平生。而今眼底無姚魏，
浪蕊浮花嬾問名。

題巨商壁

僧靚

去年巢燕畫梁邊，今日雙雙遶檻前。莫訝主人簾不捲，
恐銜泥土澆花顛。

題湯泉

僧可遵

禪關誰作石龍頭。龍口湯泉沸不休。直待眾生塵垢盡。我方清冷混常流。
此卽菩薩度盡眾生之願力

夏雲

僧奉忠

章子厚謫海康過南山寺僧談夏雲之奇僧曰吾嘗作夏雲詩遂誦之如此子厚有慚色
如峰如火復如綿。飛過微陰落檻前。大地生靈乾欲死。不成霖雨漫遮天。

焦山三詔洞

僧了元

疇昔先生此掩關。紫泥三到石房閒。若教便逐蒲輪起。安得清風鎮海山。

小學弦歌

卷八黃勸戒

去

九十五

林

菴中自題

僧顯萬

萬松嶺上一閒屋。老僧半閒雲半閒。雲自三更去。雨歸來。方羨老僧閒。

九日

僧可觀

胷中一寸灰。已冷頭上千莖雪。未消老步只宜平地去。不知何事又登高。

絕句

善棋道人

爛柯真訣妙通神。一局曾經幾度春。自出洞來無敵手。得饒人處且饒人。
言近而指遠

感事

金景覃

蘭芳切忌當門種。李苦何傷傍道生。從古英雄足猜忌。莫教身外有浮名。

蟻戰圖

李俊民

聲勢何勞鬥似牛。看看一雨到山頭。大家不肯勤王去。只待槐宮壞即休。
此即天之方蹶無然泄泄之意三百篇之遺也。

內人燒香圖

元金涓

小院鉤簾拜月明。暗將心語達微誠。妾身不願承恩重。

願保君王樂太平。
昔人題宮人入道有句云此生無復昭陽夢猶為君王夜祝釐與此詩同

小學弦歌

卷八廣勸戒

七
八十九
小

一忠愛之旨

畱燕

劉秉忠

銜泥舊燕壘新巢。來往休辭曲折勞。蝸舍雖微足容爾。畫樓爭得幾多高。

詔燕

馬祖常

風雨池塘鬥韻頡。春來秋去一生忙。世閒多少寬閒境。

辛苦營巢傍屋梁。
大有寄人籬下之感

燕詩

明李東陽

繡戶朱簾有路歧。別時嫌早到嫌遲。主家只解憐毛羽。

沈盡雕梁不自知主人愛才若此可謂休休口容矣想見作者相度不減丙相之車茵也

題姚廣孝畫竹

戴冠

北地風高卷塞雲驚沙吹起雁成羣客邊偶寫龍孫譜
忘卻江南有此君風人善謔之遺

詠騏驥

郭登

萬里龍沙百戰歸輕塵不動四蹄飛可憐汗血常消瘦
不及駑駘似瓠肥天下有立功名之人有享庸福之人作者本名將故有慨乎言之

題畫諷甯王

婁妃

臨別山妻屢寄聲采樵還要擔頭輕昨宵雨過蒼苔滑

小學弦歌

卷八廣勸戒

六

三九十七
九十八
章

莫向西巖險處行哀濠嘗曰昔紂聽婦言而亡吾以不聽婦言而亡即此可見

蒲扇

姚夫人

黃尊素妻

世閒物性初無定百鍊鋼成繞指柔何似荏蒲經織後
能將九夏變三秋

觀繩伎

本朝

俞磊

一線騰身險復安往來不厭幾回看笑他著腳寬平者
行路如何尚說難

瓶花

王廷取

一枝穠豔贈瓶中習習春生几席風莫恨無根易凋謝

人情只愛眼前紅

夜吟

孫馨

有燈相對好吟詩，準擬今宵睡更遲。不道興長油已盡，從今打點未乾時。凡事皆作如意觀

千金亭

何渚

淮陰酬漂母處

空亭千古對江波，野渡斜陽獨客過。莫怪無人畱一飯，報恩人少受恩多。

落葉

劉芳

小學弦歌

卷八廣勸戒

九

八十九

春林

積怨堆愁委地深，西風衰草亂蟲吟。此時狼藉無人問，誰記窗前借綠陰。此與前篇同一用意可以醒世

讀史

趙翼

一刹那閒便一生，何須恩怨苦分明。老來自笑猶閒氣，動爲前人抱不平。

一蚊

趙翼

六尺匡牀障阜羅，偶畱微罅失譏訶。一蚊便攪人終夕，宵小原來不在多。

廬山雜詩

趙翼

流出山來便不還。何妨小住保清潺。可憐三峽橋邊水。日夜喧囂要出山。

江陰道中遇順風

趙翼

逆風船忽順風多。百里程途半日過。卻看來看來船牽纜苦。我雖欣幸亦憐他。得時人必當作是念

順風

趙翼

連朝艤櫂洞庭邊。一日開帆路半千。此理眼前誰悟得。順風船即沮風船。

觀餵雞

趙翼

小學弦歌

卷八廣勸戒

三
八
十
九
春
林

簸春餘粒撒籬間。粥粥呼雞恣飽餐。只道主人恩意厚。誰知要汝肉登盤。嚴仲子之於聶政信陵君之於侯生意皆如此

米貴

趙翼

五風十雨惠民深。物產猶難給釜鬻。到此天心縱仁愛。也愁力薄不從心。卽堯舜猶病之意

納涼

趙翼

坐久空濛露溼衣。風來暗帶稻香肥。流螢不自量微照。偏向星多處亂飛。偏是遼東豕偏不自量

劍

袁枚

玉匣甘藏七尺身。九秋不復試霜痕。夜深嘗作嗚嗚泣。
爲有平生未報恩。倦倦欲報恩是有血性人語

漂母祠

袁枚

千金一飯尋常事。不肯模糊是此心。我受人恩曾未報。
荒祠一過一沾襟。是有良心人語

遭際

袁枚

風豈愛吹花落地。雲非肯讓月當天。要知遭際竟如此。
世事悠悠總偶然。

溫泉

袁枚

小學弦歌

卷八廣勸戒

三

九十九
三

溫泉宮外水如湯。洗過行人流出牆。一樣溫存款寒士。
不知世上有炎涼。

還山

袁枚

重理殘書喜不支。一言擬告世人知。莫嫌海角天涯遠。
但肯搖鞭有到時。作者年七十猶作闕粵之游歸而賦此

遊仙詩

方貞觀

到底劉安未絕塵。昨宵相與共朝真。漫將富貴夸同列。
手版橫腰道寡人。此刺富貴中人作態者

嘲菊

呂守謙

自詡花中偉丈夫。春苗夏葉過秋枯。寒梅冷眼旁相笑。
能待深冬傲雪無。歲寒然後知松柏之後凋也。

題壁 四首

高 濂

鵲噪非為喜。鴉鳴不是凶。善淫分禍福。豈在鳥鳴中。
耕牛無宿草。倉鼠有餘糧。萬事皆前定。浮生空自忙。
羣死因毛貴。龜亡為殼靈。不如無用物。安樂過平生。
雀啄復四顧。燕寢無二心。量大福亦大。機深禍亦深。見

送友下第

黃利通

小學弦歌

卷八 廣勸戒

三 二九〇七 林三

君歸抱璞拭唬痕。一第沈升那足論。定要狀元名不朽。
昌黎只合愧兒孫。昌黎子晃孫 袞皆狀元

途中

陳沂震

白雲如絮擁蒼山。膚寸能彌六合間。卻怪紛紛頻出岫。
不曾行雨竟空還。

釣臺

周稚廉

逃卻高名遠俗塵。被裘澤畔獨垂綸。千秋一箇劉文叔。
記得微時有故人。非表光武正慨在 貴忘賤者之多也

遊邢園

毛 藻

一溪春水一橋橫。龍柳嬌花夾岸迎。儂自過橋閒處立，放開來路讓人行。
不妨賢路不爭要津皆此義也此言雖小可以喻大

示燕

汪沆

香泥休更污琴尊。借得成巢地主恩。任爾誇張畫棟，可憐多是傍人門。

春風詞

周志甯

吹向芳園草又生。百花步障遞春聲。年年綠到貧家樹，始信東風不世情。

葵花

蔡琬
高其俚妻

小學莊歌

卷八廣勸戒

三
八十七
章五

落寞西風黯淡姿。倩誰譜入上林枝。最憐一點丹忱在不為斜陽影便移。

法源寺看花

錢大昕

丁香花落海棠殘。火迫春風到牡丹。冷笑山僧忙底事，栽花只博別人看。

題息夫人廟

鄧漢儀

楚宮慵掃黛眉新。只自無言對暮春。千古艱難惟一死，傷心豈獨息夫人。
其用意處須於言外領取

題徐侯齋先生畫芝

李必恆

磊柯輪困態最工披圖謾謾起清風定知巖畔叢三秀
不在祥符萬本中俟齋本前明遺老故其品格如此

苦樂無常歌

薩哈岱

天邊月。昨見團圓。今又缺。園中花。秋悲衰。落春重。華風
吹白衣。忽蒼狗。萬變千奇。無不有。朝爲滄海。暮桑田。今
古滄桑亦難久。君不見臺榭起連雲。歌兒舞女爭紛紛。
轉盼繁華尋不得。草深門巷惟斜曛。又不見茅簷土子。
愁壁立天涯。每效窮途泣。一朝名籍曲江池。駟馬光輝。
照鄉邑。噫吁嘻。蜉蝣身世總如斯。苦樂何常且任之。苦
極有時樂自至。樂中無意苦相隨。苦莫苦樂且樂駐。顏
那得丹邱藥。年來去年復年。當前花月休拋卻。

小學弦歌

卷八廣勸戒

三

二九卅三
五章

小學弦歌卷八

終

